

道古堂詩集

卷九至十三



08065

道古堂詩集卷九

仁和 杭世駿 大宗

翰苑集三

張庶子 鵬翀 經進春林淡靄圖敬題六絕句其上

蒙

恩俯和邀同館徧和余亦繼作

展帙針懸與露垂

奎章璀璨喜申眉無聲詩博有聲畫遭際千秋第一時

斑管頻抽虎僕毛聲華三絕玉臺高太平特進沖融景

肯把燕支注小桃

道古堂詩集卷九

翰苑集

一

當年一角說孤雲圖繪流傳寶鑑文爭似散仙多灑落

春風筆底為平分

賜出陶泓

恩敬承金壺好潑墨三升玉河莫笑歸鞍緩袖得璠璵

力不勝

天葩落紙剎那成葶甲懷新盡向榮豈與枚生較遲速

要畱佳話在西清

不用登牀張洎求銜來鳳尾自彤樓琅函夜夜榮光發

知有驪珠在上頭

陸編修 嘉穎 兄弟重申卜鄰之好用查浦集中卜

鄰西谿韻二首奉簡

樹暗雲深僻似邨，揀無車處放柴門。空庭轉覺蟬嘶靜，
比屋交聞雒誦喧。布席但求鄰水竹，營巢豈爲長兒孫。
篋中漢史粗成稿，公是公非擬細論。

花漸差肩屋打頭，疏泉支枕類扁舟。兩家隔戶通聲息，
一例關門絕應酬。日上墻陰長返照，雨來溝水忽西流。
玉堂清福無多子，飽飯黃梁百不憂。

題鄭戶部

廷建

歸去來辭行看子

之子清妙人有榮，不肯梯翩然賦歸來。樂事渠可稽門
前沙河水，流過橫塘西。鄰曲六七家，寂歷如山蹊。疏籬
榭六枳黃菊，抽新萸秫田足完。官盡以付酒，奚移牀就
樹蔭。一飲拚如泥，臥遊羲黃上。懷葛相招攜。

雨

閉門因愛雨，落葉不關秋。淒颼時飄座，蕭疏祇益愁。近
思青箬笠，遠憶白蘋洲。幾日城南興，遊踪媿野鷗。

送齊孝廉

周南

歸天台

石梁雙闕鬱參天，著就三都已十年。難弟笑吟紅藥句，
高人獨檢白雲篇。鍵關不接漁陽客，挂席仍浮剡曲船。
行看赤城霞起處，風流自署小游仙。

鄭侍讀

江

足疾乞歸，同鄉後進攜酒過餞，卽席奉

呈

先生有道者淡泊謝榮利抱經考微言勤於昌歆嗜文
采及篇章歌詩特餘技璧琮璋琥璜輝輝宗廟罷佐世
資碩儒堂皇允所置昨朝足疾動北憲動翹跂門臨十
二街蕭散若衡泌曾非下堂愆頗悟折肱義上書遽乞
休得遂還山志問年未耄期有服製荷芰由來經術儒
出處繫軒輊名山究淵微石渠奏同異寄跡雖有殊揚
光要無二他年下六丁從君發奇祕

雨後集無畏室酒間讀書有作

煙嵐一幅定雲巢懸向秋堂對枕坳寂寂張燈高館閉

道古堂詩集卷九

翰苑集

三

蕭蕭接響淨蘆交開鑪預索朋尊續得句頻搜矮紙鈔
夜色劇愁寒不定西風應捲幾重茅

挽潘諭德

安禮

貫魚同被

寵獻賦獨凌雲萬里蠅隨尾三年雁墮羣旅魂飄落葉
老淚瀝斜曛詞客惟占應修地下文
久列中朝望纔看換紫衫堅難金石比善少鬼神監懸
劍悲吳札趨林哭阮咸一衾擁涼夢冷漠稱冰銜
龍蛇成舊讖絲竹廢中年共議奔喪禮誰分治葬錢荒
幃積塵網故國望山川渺矣廣陵散殘徽不繫絃

一橐將神載言歸
贛水湄鵲聲涼月
夜鳥影夕陽時沙
竹韋莊宅江楓宋玉辭
墓門他日過宿草定餘悲

題馬吏部志義小像

由來天地本蘊虛
俛仰何因不有餘
解識卮言盡駢拇
惠施空負五車書

記與藤花有宿緣
清曹句當過三年玉階
一去塵緣隔
乞與天公作散仙

十月二十二日汪沈灝翟灝過寓齋小集

沈寥天氣翳銅街
小住俄欣二妙皆
得句超于王子鶴
摘蔬清勝庾郎鮭
奇懷此夕爲君盡
高論不妨與俗垂

道古堂詩集卷九 翰苑集

四

欲遣張爲圖主客
卻無塵態只青鞵

寒夜集無畏室共作禪語

言展白氍巾小憩
青豆房愛此雞羅頂
一室無燠涼清
言匪謂佳用以發
智光卓彼覺路英
其書亦多方如春
在跏趺妙蘊不得
藏紛吾持羯磨義
虎力可將旣爲四
禪縛宥戀三宿桑

由來吳少司馬應茶招同詞苑諸公集東井書屋時以

嶺北集見示

歡場傳喚倒深卮
跋馬冬街到恨遲
作者七人吾亦忝
寒香一榻坐相宜
官因右部論兵偉
詩比東坡過海奇

冰雪崢嶸商歲晚燒鐙閒話卅年時

送同年盧

豪然

令威縣君曾祖名象晉死國難介

弟去家不反胡司業襲參曾爲傳

朔風蕭條轉蓬根澤腹凍結滹沱渾我友到官迺程限
臨岐有意停征轅家門忠孝略數說語所欲吐聲還吞
荆溪督師殉國義大節皎若升朝暉輿尸七旬不得斂
不有介弟誰招魂同時仲叔執戈出百口并命吳江濱
先人毀家請紆難上書自効號於闡天心有眷鼎遷速
孤意欲與夷齊論怨家發費填犴狴頭可易斷難爲髡
一朝被髮出門去稚子哭叫窮鄉村零丁徧寫覓無處

道古堂詩集卷九

翰苑集

五

印雪徒見鴻爪痕有時忽來告葬所瓦棺聖周非其播
首陽庶幾可埋骨欲假尺地皆周原吁嗟異代有義士
帝紘寬大施春溫芳華熠燿盛枝葉垂裕白爾及後昆
我友侃侃守先志克以仁義爲樞樊一官鞅掌豈得意
要表大烈畱乾坤循良每次儒學傳孝子亦出忠臣門
明時努力慎官守畿南雨露容霑

恩藁言樸直少恥繆至理庸以區昭昏

布衣詩二首贈鄭山人

錫

卽送其還山陰

大布寬袍古製存縫來一疋海東藩持竿不作披裘隱
懷玉何堪被褐論拂袖固應歸白社曳裾那肯向朱門

爲言紈綺休相笑畢竟輸他自在溫

樵風涇口舊家居暫駕金臺轂舨車青紫四時輕仕宦
聲華三絕擅詩書櫻鞵筇杖行相稱老帶莊襟樂有餘
此去莫言長息隱

聖朝物色在樵漁

題翟灝庚申詩卷

巨壑縱餘猶掉尾大波廻處更生瀾自從玉局翁仙化
如此驚才更見難

朔風攪雪夜蕭條大卷編年燼自挑歎息後來誰獨步
言超故自阿龍超

道古堂詩集卷九

翰苑集

六

卷裏喜無偷鶴句牀頭猶見捉刀蹤一端莫遣邯鄲笑

作奏先宜去葛龔

時爲余代酬應之作故末章及之

上元公讌二首

香醅如雪發春缸皓月瓊瓏透八窗照壁低人駢瘦影
窺簷老樹立空腔官貧未惜錢三百筆軟能添字幾雙
勝典得寬宵柝禁夜深猶話玉蟲鈿

初旬休暇脫朝衫春事徐聽說大凡瑤鳳已先三日集
燭龍齊向六街銜合尊宵使良宵負入座都將俗禮芟
高興倘能畱不盡落鐙重達鯉魚函

送同年陳主事之官遼海

一時羣彥盡登仙獨爾清才出守邊隻影蒼茫天地闊
敝裘蕉萃雪霜綿蛾眉月落忽千里雁足書來動隔年
紫塞莫教廻首望春風不到玉關前

空囊不宥破天慳此段真教去住艱望遠類如星宿海
澆愁疑有沃焦山途窮莫怨微官累程迫方知白日閒
猶有舊時薇省客瓜期屈指海西還

時同年柴嶼
青爲郎中

關河滿目意蕭寥謹護邊儲荅

聖朝抽宦不知爲客樂貧交翻惜去鄉遙漫天宿莽餘
疲馬絕徼寒雲見暮鴟多少畫工圖出塞一腔孤緒未
容描

道古堂詩集卷九

翰苑集

七

佳時才過試鐙風爲遣離憂酒一中用傳棄繻真細事
短衣匹馬奮單雄但言小別須千日若問同僚只數公
此夕與君難判袂一憑詩句話深衷

次崇明許邑宰

惟枚

栽花四首

門第清華邈列卿雷封聊試小經營召棠邠豸人爭誦
莫認河陽花繞城

彷彿蓬壺落掌中層層樓閣暈青紅擬從龍戶乘槎到
引去唯愁擘岸風

栗雷聲裏曉班春如畫郊坰入望新白髮老農扶杖語
太平人勝武陵人

不妨載酒作遨頭
治行喧傳第一流
試問漢廷諸茂宰
栽花海上可能不

送陳舍人

兆帽

之武昌

惜別慚無酒
膽麤衆咻真作楚
遊呼君行始此不爲遠
吾道自今恒歎孤
好景定煩柔翰寫
輕帆況有玉人俱
江行輪與圍棋處
清簟疏簾稱雅娛

雨中用柳州苦竹橋韻簡吳秀才

可馴

縱縱白雨點漠漠青瑤林
蕭瑟無凡響寂寞有苦心
端居絕妄營興到時一吟
洄池潛輕條高柯斷來禽
歡然契古賢命酒疏堂堂陰

道古堂詩集卷九

翰苑集

八

吳上舍

城

見過次其題壁韻

人境辛勤小有廬
藥欄花徑愛專與屏山
數朶雨餘出齋樹兩株
風後疏文字欲叅齊物
論形骸都在絕交書
清時到處供行樂
齒冷靈均賦卜居

次前韻寄故園兄弟

松里先人有做廬
問渠何事不歸與心如
蕤火頻頻減髮比秋條
漸漸疏入世生涯唯習
嬾在官罪過祇鈔書
鴻妻一向能甘隱
紙閣蘆簾就爾居

送廖

吳前

令徐溝

明府之官去青袍
草色迷關長蓮岳
近天入井陘低別

館彈琴靜孤城擊柝齊遙聞漢循吏桑柘綠陰翳

送大廷尉汪先生予告還休寧三首

方瞳紺髮侍

彤廷耿耿東方見歲星後輩六卿扶玉杖先生四紀領
槐廳趨朝小斂調羹手退食還鈔相鶴經早向門牆長
立雪踴然魯殿奉儀型
溫綸初下許懸車身退功成次第書吳越羅材收竹箭
江淮奏績志河渠灘厓膝閣懸金檠水部蘭臺噪玉除
盡識于公門必大翻從祖道戀華裾

老臣戀

道古堂詩集卷九

翰苑集

九

關抱丹心其奈霜華已滿簪一代荀陳歸大匠兩邦吳
楚紀儒林朱砂湯好攜壺坐白嶽峰深倚杖吟笑對少
時親種樹蒼髯黛色鬱千尋

翟灝 遺龍井新茶

渴吻年時逐日新一封感寄雨前春擎來解說槍旗好
辛苦筠筐細摘人
活水雲羅濾更清森森香味出寒鐺閒窻似向家山坐
聽徹松濤竹雨聲

起林上人過飯書堂

澄觀翫三餘幽居衆美萃上人遠相過卽事儷清思未

妨無着心畧寓文字戲崑鉢非凡聲蔬筍絕常嗜天風
激靈籟妙語得回施諸餘諒難空教外亦禪寄何時策
青林同宿烟際寺

門人孫吉士

拱極

邀諸同年載酒見過

勝地宜幽賞華筵久寂寥愛君能載酒歌嘯永今朝韓
筆方原道雄文善解嘲但令高會數何惜馬蹄遙

王孝廉

任湖

下榻小園有詩次韻

百里江流繞越城擘舟相訪昔塗更藜羹芋飯家山夢
菰葉蘆梢水國情異地不曾拋席帽荒齋難得共鏗聲
歲寒與子期松竹一笑新成日下盟

道亨詩集卷九

翰苑集

十

客裏孤懷百不任一天雲日互晴陰巢如驚鷓時還徙
人比秋蟲只愛吟拚醉借杯澆塊壘貪涼移榻就幽森
請看矍鑠餘狂態彩筆重題漢上襟

隨身不用錦囊奚矮閣團焦類螻棲馬上烟嵐屏上句
愁邊渲染醉邊題色融嵩少三花樹聲帶黔南百丈谿
曠欲與君窮野望美懷多在夕陽西

十笏幽齋爲爾營茶烟長繞鬢絲生論交不用追朱穆
漫刺何妨學禰衡桑下定增三宿戀蘭亭舊有百年情
身如野鶴秋逾健游戲俄看徧玉京

撲棗

堂背無雜花劣有兩樹棗一枝亞簷低一枝出墻矯風
來時動搖絕勝叢竹掃結實定幾擔飽受日色杲貧家
無餘糧惟此以爲寶垂涎走饑童失喜賺聾媪纂纂青
紅兼墮地每橫草長恐霜威侵或被風拉槁幽詩紀八
月長竿撲宜早預宜扱衣衽旋見溢桮棖喜無桃蟲啄
幸免蓼蟲齧赤心古所嘉甘味世不少愛茲家園植堆
案愜幽討轉愁空枝鳴不得壓清曉

題金_碧野亭玩月圖四首

鏡湖巖壑野亭春況復盤盤瀉爛銀我姪姮少公道
不應偏照苦吟人

道古堂詩集卷九

翰苑集

十一

玩月由來見古情苦無胸次寫空明羨君真到蟾蜍窟
敲着玻璃便有聲

才上層霄萬象融能來難得晚烟空只須倚樹團圍望
名字居然在月中

碧天真個淨纖埃放眼空亭亦快哉一派清光描不得
無人解識謝莊才

飲梁通守

翥鴻

寓用歐公聖俞會飲韻呈趙鴻臚

之垣

李_源包

祚永

楊朝鼎

三侍御

天晴酒伴相牽拂翩然出飲馳彫談哨壺枉矢樂賓具
固辭與請紛皆三八尺鐙檠不嫌短光閃瑤席無洪纖

雄辭騰蹕破詰窘窄量宛轉開機緘簾端香氣時掩冉
檻外秋色尤紅酣鄒平食憲次第列熊魚嗜好能相兼
珍珠槽醉琥珀滴甕口不用紅泥鈐百觚騰處玉鱗動
一切苛令皆除芟嗟余亦與捉臥甕三咤三啐徒貽慚
劍鐔青熒照短髮花蘂瑣碎飄輕衫諸公乘興索微咏
包括雅意何能咸歸途緩轡指河漢燈火不隔斜街南
飲歸再用前韻呈王孝廉

城西罷飲意不厭擬歸卜夜仍深談借車載我喜兼兩
無月照影焉成三移燈過林光睽賜折枝壓殘紅尖纖
意行絕類磨蟻旋開口肯效金人緘攤衾促坐不寂莫

飛觥餘興猶沈酣夔虻憐愛理難譬熊蛙肥瘦勢詎兼
更殘數數換白蠟吻渴急急開紅鈐銑谿澁體恐難學
金簫綺語應從芟經營邱壑惟子擅墨守章句良余慙
時清幸得側烏帽官冷且免拖朝衫新篇脫手美無度
至論砭俗專而咸幾時說詩圖主客子爲張北吾周南

三用前韻說餅

林昏雨黑客打戶岸然高睨而大談問以晚食百不要
寒具劣可進二三雲碓屑粉膩復黏重羅瀘麵白且纖
霜熬徐飛海水沫蔗漿乍解閩山緘川椒蜀薑百末和
去活火炙釜力厚酣花瓷盛爾軟美恰頭綱配爾甘脆

兼吾雖牙齒老未缺畢生不見紅綾鈿趙岐吳均兩寂
寔公羊經義誰能芟并刀快截差不惡虛堂細嚼夫何
慙搓酥轉恐沈名畫浣手起著古樣衫上九肥遜無不
利筮者拈卦將爲咸明當期子賣餅肆千人石畔吳山
南

夏編修

庭芝

見遺絳巾輒效宮體奉簡

客從罷洗湯泉後買得絳巾別贈人白氎龕疏難並美
金梭想象迴含辛頻攜襟袖香仍越略與揆抄色更新
若是彈碁容妙拂當場恐惹玉奴嗔

金文淳

裘曰修袁枚

三吉士招同戴上舍

廷熺小

道古堂詩集卷九

翰苑集

三

園看菊以濠梁同見招爲韻分賦予得招字

籬下叢菊花有白無枯焦其一尤秀出矯立矜風標際
此時日美爽氣凝修條延賞得短句較勝馱酌謠騷人
例愛飲一一踐夙招其人如菊澹兀傲不可調其詩如
酒釀但見格律超園丁頗好事汲井滋靈苗矧以詩吻
渴可少芳醞澆醉便折花嗅瘦影吹蕭蕭

張員外

嗣衍

見餉佳菊數本用前韻奉謝

燕土惟黑墳兆圻如龜焦瓦盎種野菊惜少佳名標張
侯餉數本濯濯無枯條微吟動高興獨酌成康謠愛之
詎能狎呼之不須招月來逾澹蕩風起徐刁調多傲少

俗媚此格天然超亭岩竹窗裏昔昔抽新苗日以露華
洗兼用清泉澆持螯恐難繼亟緯風中蕭

金吉士重過書堂有詩見投次韻奉荅

爲有田家濁酒盆不教秋色臥籬根霜螯露韭清難飽
凍蜨癡蜂咽不喧吸井有香泉繞戶枕屏如畫月侵門
巖居便是延齡術合向山靈酌一尊
馬九員外遺命以宋刻葉水心習學記言及大德
本漢書見贈屬余爲佳傳諾之未果也令子以遺
像求題悽然書二斷句

玉骨銷沈意氣新畫圖猶剩幻中身秋堂疏雨寒花盡

道古堂詩集卷九

翰苑集

十四

又向天涯哭此人

真冷猶然唱古音奇書珍重故交心一端差勝蘭臺業
不使千秋說受金

聞舍弟鄉薦信率占志喜

衰門一第似登天望汝心旌刻刻懸幾日鐙花喧眼底
今朝黃色到眉邊相招熟客頻呼酒罷脫朝衫便放顛
遙想鄉閭賀客堂應得老親憐

月夜聽高山人

禱
彈琴

嚶嚶太古音樸遯何所仿孤月林隙窺山石發清響妙
理攄素情幽境叶遐想風來時一鳴空際或延賞

趙上舍一清屢以純蹄果餌見餉賦謝

末俗論交似積薪感君每飯念陳人老饕飽辦三時課
稚子歡騰一屋春九日題餠誇舊詠癸丑重九與厲徵君丁處士集南堂分韻字南堂說士記前塵從今礪戶泉亭裏好趁吟風
弄月身

門人費大令蘭先過訪草堂畱飲卽事二首

雲意不成雪晚風吹向西單車媿相訪幽徑不全逃骯
髒知何益憂愉未易齊川途今昔改畱取認前題
言返臨溪宅重過立雪門放歌期白首托志抗清尊下
溟田何有聯珠集尙存今朝寒意重風過一燈昏

賦得殘雪在樹

道古堂詩集卷九 翰苑集

五

庭柯灑上雪層層霽後蒼疏迹尙仍照水認霜輪瘦影
穿階得月見孤棱回風繞處飛還戀凍羽歸來啄更凝
聞說賦才工體物錯呼瓊樹也相應

宿紅泉館與吳城話舊

相別復相憶追歡方自今清愁蕭寺晚濁酒射堂陰身
世誇經歷詩篇惜滯淫寒宵同不寐故里十年心

題同年陳戶部士璠使蜀集

暫辭畫省擁油旌雲棧風砧細算程一檝不曾驚父老
七經端可化諸生卷中錦字江流濯閣外蘭舟峽雨迎

蠻女弓衣新織就笑他春雪枉知名

送史十三之官江右

蘆溝南接白溝西棗樹成園柳滿堤千里官程騎馬去
詞人爭識史梅溪

使君風貌逼羊何手板頭銜樂事多取次灌嬰城外路
章江波勝浙江波

一官差喜可著脚五斗何曾肯折腰爲愛香鑪峰色好
放衙日日過僧寮

臨江高閣敞晴光閣底春帆索酒嘗蝴蝶至今畱粉本
開圖先寫小滕王

道古堂詩集卷九

翰苑集

去

趙一清 惠松門鯨賦謝

商祭曾觀曲禮文乾魚竟祀武夷君開緘一笑諳鄉味
入饌居然合舊聞包匭不畱松島簪敗鱗猶帶赤城雲
侍兒袁送防風粥借箸先愁污翠裙

宜興吳秀才

凌鵬

太史仰朱族子與余不相識輒

畫便面見貽因題其上蒼之

透迤陽羨山秀色經時換刺船春水涯緩帶棕亭畔遠
鐘何處聞極目翻經館

咏待月巖下紅薇

鳳閣風光近若何紫煙漠漠不凝柯晴曦烘後畱新色

細雨吹殘蹙豔波素女折來潮暈減省郎相對酒顏酡
臨窗爲咏金荃句似帳濃陰向晚多

晚晴次許孝廉

鉞

雨過煩襟滌空亭上夕曛遮窗無暝色拂樹有殘雲山
勢參差潤泉聲斷續聞好書慵未把幽境許誰分

爲王孝廉

任湖

題錢觀察

元昌

畫藤花

濃香幾穗寫春愁忽向黔南萬里收絕似水西西去驛
紫煙如浪潑行舟

周憲 阻雨書堂畱飲

高閣畱賓破寂寥張鐙且復坐中宵已看墨汁金壺瀉

道古堂詩集卷九

翰苑集

十七

難得明珠碧玉跳千里鄉思憑濁酒一天清響共疏寮
玉山雅集煩公等隔日應須走馬邀

道古堂詩集卷十

仁和 杭世駿 大宗

翰苑集 四

同年趙太僕

大鯨

沈編修

昌字

載酒過小隱園奉

餞閣學李紫庭先生子告還南康卽席分賦

廿年講席喜從公化澤旋施笑語中三省從容通御氣
六堂重疊灑春風

朝方賜几身猶健年未懸車道更崇今日玉河誰戀別
寸心長逐布帆東

華轂平驅綺陌塵奉

道古堂詩集卷十

翰苑集

一

恩特許乞閒身廻看九列無前輩及見

三朝是老臣廬嶽定增新氣象鸞臺猶剩舊經綸絳紗

弟子今餘幾敢說傳衣有替人

春雨難名教澤多媿無清句頌巍巍挾天鴻藻千夫唱

造士豐碑萬口哦後樂不妨耽水石遺榮直欲挽江河

船窗啟處檣烏集斲取雲嵐入嘯歌

恩顧頻仍未易酬賜歸今喜狎閒鷗無煩官簿誇三監

賸有清聲徧九邱小序共攀楊少尹短屏添畫白江州

山居他日蒲輪聘祝哽何須玉杖鳩

雨後招同夏檢討

之萃

金國簿

焜

金編修

文淳

張

孝廉雲集疎雨書堂分得江字

好雨趁遙夜直下如奔龍枯澗泄泉脉涓滴猶淙淙屈
指池面水坐看成清江亡何衆鳥喧初日已在窗二三
子來過有意倒酒缸奇思鬱方寸突兀不可降盍相與
賦詩清韻恣撻撞愛此幽妙境勝事每獲雙雨以洗積
瑤詩尤絕紛咙土音操吳楚宛若遊鄉邦良會去苛謹
逸興凌崆峒何如兩厓間向若浮觥釀

午睡至莫吳二璋增有詩見調次韻

苦無好夢到青羊夢見幽窗瀉水光新雨已能寬葦路
晚陰旋看上花當塵中未許支身穩劫外偏饒得趣長

道臺詩集卷一

翰苑集

二

欲著卮言論齊物莊周蝴蝶總匆忙

倪三乘直自王平口寄杏一賦

佳杏何方最西峯更遠巖摘來猶帶葉馱到急開緘紅
綻香仍斂漿濃味自函掌萋供轉玩口角淪清饒擣核
堪調酪揆塵欲染衫幾時林下憩賣藥挹長鏡

題周檢討長發新居次韻

辛勤積俸構茅堂院院松棚散午涼驢券未償空滿紙
菜傭求益易盈筐青楊舊侶應名妥白練門生記姓羊
習禮時時陳俎豆入門先挹簡編香

翌日與諸同年再過復用前韻奉簡

觸熱傳經到講堂
絺衣乍解意先涼
寒帷兒乞鈔詩筆
入市僮攜采蕨筐
賢婦善藏真一酒
諸生爭奉束脩羊
由來千古文章事
畱取南豐一瓣香

題潘憲勳

詩後兼寄羅孝廉

天尺

梁進士

善長

潘生熊豹姿躡屩自南越
詩如曹景宗人比王僧達
翹關氣雖勇橫糊興難過
珠江弄晴波錦石蔭清樾
峩峩五層樓均尹有餘沫
飛觴集名賢結社闢海邦
風雅區遺韻未銷歇
羅蘇梁何陳各各露天骨
古音去淫哇墮篋儷控榻
古妝羞倭象掃耀鬢髮
大道尚榛莽時風莽轆轤
諸君南國彥秀句出懷褐
天巧工剗鏤神

道臺詩集卷十

翰苑集

三

鋒捷機筭牆匡牡
蠲羸往往漬題跋
富覽九州大窮海
自垧北紫瀾激湓
泐遊氣縱排幹
降王失旌麾
珠官罷采掇
紫椽間青斲
孔翠羽毛蔚
文章五色宣
鍾毓在微物
矧伊獻足徵
壁壘舊碑砣
後來領袖誰
一出遂趨忽
三才憑雕鏤
萬物供抄撮
錦胸張駢羅
逸氣洩奇偏
含風仍猗那
息浪轉雄潤
始知五羊城
才較吳楚核
君行叩天關
大校試千獻
不晒枝官窮
挾冊竟投謁
偃僂升賓階
坐失壯夫侂
貽我蕉扇團
金玉巧削刷
詎能揚仁風
聊以志披拂
動搖懷袖間
但覺香氣鬱
鶴墅詩百篇
曳響九天戛
情瀾發英靈
密咏到草蔡
蛾眉雨餘峯
秀

色不可割吾衰抱遺經騷賦輒抹撇焉能強解事過客
語相聒感君金石意掩卷眼猶豁因茲見獵心既往有
萌枿佇看都試場餘力徹蹲札黃肩霹靂鳴仰面落鷓
鴒酒酣心養養險韻限擊鉢吾雖律未嫻十可和七八
言念五山侶旅思劇怳歛月上牛欄門潮水添一捺舉
舉媚學子依倚若蛩蟹羅先不得志歸去葦門闔商歌
撼四鄰有意謝簪紱梁生擁臯比精舍長松栝搜漱九
陌塵別我幾裘葛事往增歎嗟歲過易驚怛因君寄遠
音庶以志飢渴

題聽雨詩後簡陳檢討

兆崧

道古堂詩集卷十

翰苑集

四

養性稽康懶未更書堂欹枕沸瓶笙鳥如避客穿巖去
雲欲窺簷壓樹生酒政琴言前日事江鄉草閣十年情
題詩爲報陳無已得暇同來坐月明

題聽雨詩後

錢唐

汪由敦謹堂

墨雲一片催詩黑翻却天瓢來頃刻簷垂飛瀑萬瓦
鳴虛堂颯颯驚秋聲憶當夏旱苦相望玉粟珠襦拜
嘉貺此時勤買玉壺春側耳不負同心人輕雷過後
淨天宇不賦愁霖賦甘雨

長洲

沈德潛歸愚

秋風昨夜生涼氣集澗戶佳人日暮來遠道合儔侶

同心訂金石禮數忘賓主窗外響蕭蕭散絲灑庭宇
人生良艷難百家聚幾許天意且畱客今宵只處處
茶烟裊簾旌幽蟲語荒圃更深興未闌坐聽空堂雨

題翟灝戴笠圖

其笠伊糾非尋非收害馬旣捐亡羊不求左圓右方疆
學待諏使營東臯參盟兩鷗

張公子堯七夕寓齋小集

避暑如避人裹足絕遊衍虛堂少來踪華歲莽激箭密
友三數人未得數相見良辰撰新秋宿諾期必踐揭幔
無流塵在御有琴薦時時選元言續續進美饌風日放

道古堂詩集卷十

翰苑集

五

清淑雲漢極婉變翻書愜幽情隸事去謠諺失笑俄絕
纓屢舞不側弁得句防俗驚向客借秋硯妙語衆口諧
孤詣能手擅高論續王符內學美張琯今夕此何夕流
目能忘晏他時溯清遊勝地吾所眷

七夕雨後趙上舍過訪書堂余以張公子佳招不
值率賦奉簡

天公有意戲癡牛屈注銀潢水倒流小閣儘拚三日醉
高枝先漏一分秋題門客去風吹鑰賭聖人歸月滿鉤
瓜果轉從兒女乞今宵不上曝衣樓

七月十三日奉

敕恭次

御製秋日郊行韻

晴郊芳樹露華滋一覽天光碧四垂
草散柳陰隨馬踏水翻荷氣得魚吹
含風葦路青于染過兩山痕澹似詩
共喜

宸遊能鑑物曦輪常較六飛遲

恭次

御製新秋試筆韻

蟬愛新涼作意鳴河橋一夜散秋聲
樓頭高樹捎雲落闌角幽花裊露明
望遠不知銀漢迴感時最切玉關情
晚來得沐天街雨却看苔痕漸漸生

道古堂詩集卷十

翰苑集

六

恭次

御製食荔支有感韻

側生嘉果是離支范史曾標錫貢奇
玉乳甘回香自越瓊漿涼沁夢難移
千章遠向三山見一顆能令百日思
聖孝從來通四海嘗新先厘寢門時

是日

恩賜瓜果詩成

賜扇二握

借視中書省摛毫政事堂先呈元老看一字費平章

賜果

君恩渥陳詩史筆慚侍臣宣喚數長到石橋南

懷核知循禮巾綈特許嘗對人誇說徧齒頰有餘香
畫扇擎來重揚風愧未能只疑襟袖裏暑月尚懷冰

從董浦太史乞觀尚方香扇和趙一清誠夫

香籠衣袖早朝回輪對公膺出衆才障面免教庾亮
汙聚頭聞說蜀王材涼分禁籞傳宣至恩遇

君王顧眄來一握仁風從乞與奉揚知已徧埏垓

七月晦日趙一清楊炯文過訪書堂出觀文待詔

墨蹟卽用其卷中人日直夫小園讌集韻

道學詩集卷十

翰苑集

七

石闌處處點秋英過伏真成一月晴寫韻遣奴開錦軸
估書畱客坐茅衡閒懷擬續金壺記妙語如餐玉帶羹
解事嬌兒隨口讀倚風絕勝轉林鶯

同人釀酒書堂送趙孝廉賢遊保陽

出處途雖異邱林性本齊狂歌非夙昔情話轉淒迷山
月窺生客屏風續舊題牀頭有書卷興劇宜相攜

明日復餞許鉞分得秋衣

改律還初服開箱一愜然風多愁垢縫霜重欲裝綿睡
鴨熏先透疎砧擣未便迴憐驢背客吹葉打吟肩

中秋前一日張博士永祚見過茶話

雲物新秋景氣饒高軒宵過不須招觀天乙已占應驗
博士以數月前名對言天事皆驗 枝厯元嘉議費調博士以張大司寇薦入經史館校各
史天文律 預擬桂輪今夜滿翻愁華館去途遙耳邊吳
愿諸志 語聽來熟不得篝燈共此宵

秋雨淒綿成五斷句

曉起屏山掩畫螺驚風有意撼槐柯空堦幾日苔痕合
脫葉飛來雨點多
雨橫風斜晝少歡茆堂高枕軸簾看平階溝水潛通壑
鳥下喧濤更較寒

蒼皮溜雨滴空腔時遣卑枝拉小窗絕似烏篷船底坐

風蘆獵獵破烟江

巖屏過雨發寒皴石色蒼涼不見人偶向翠廊閒倚拍
兩枝紅蓼漾秋鱗

圍牆隱隱過林鐙風拗喬柯裊蔓藤持較江天更寥泚
情懷孤似六朝僧

戴廷禧

自江東至周

天度

自上谷至共集書堂酌

酒

涼雲不動午天高二客同過誦楚騷秋思妙融邊地雪
情瀾直泝大江濤來禽刷羽傳清響倦僕駢肩看彩毫
老去漸知貪醉地爲君一笑引香醪

過趙一清用東坡梁左藏會飲傳國博家韻

巖巖酒陣朝飛檄
兔瓊雞缸紛不一
敬容殘客罷周旋
特敕當關脫名籍
筵前碁粟鎮相娛
絕勝彎弧掣鳴鏑
橫窗秋色弄幽姿
疑有花魂呼欲出
爲憐十指費詮排
相遣雙螯破岑寂
別珮秀句寫權棕
歸咏聲應出金石

九日遊憫忠寺

勝日宜清遊佛屋
無窘步潭潭憫忠寺
遐跡契夙慕牽
率世外朋聯轡造覺路
周遭青豆牆蒙密杪
羅樹三門靜羣囂
徑轉見榷枅欣此精
進林一一愜所遇
石幢滿字鑄深鏤
吉金鑄唐捐競豪奢
巧匠循規矩意行不逢

道古堂詩集卷十 翰苑集

九

人飛鴿導我屢
晚花妙心香落葉響
秋屨枯僧踞竈觚
抱膝儼翹鶯齋廚澹
無烟相向煨殘芋
夕明戀寒空約客共一賦

歸集書堂食蟹分賦

梵放歸來眼倍明
雙螯入手一卮傾
月華漸放屏猶却
霜信雖慳菊已英
聯句事殊侯叔起
解莊人是范長生
涼風木末賓鴻遠
釀得良宵似水清

送趙一清南歸

此去猶乘薄笨車
霜淒風急渺愁予
耦耕舊約詞空費
作伴還鄉願又虛
淮楚流亡方輾轉
江湖耆舊幾乘除

平生一段懷人意爲爾臨岐雪涕書

送吳瑋增之江南

念君冰雪姿一意臥林壑廿年間巷遊迴首事如昨一
朝束輕齋塵海忽插脚吾嬾過嵇康拙宦笑落拓閉門
謝造請藉爾慰寂寞有言共賡唱有酒互斟酌荒齋食
無魚午飯飽藜藿媿無鐘鼎志頗悉衡泌樂胡然使車
來禮聘不可却倥傯理驢券欲語意先惡廣厦願洵虛
客去滋益忤本爲夔竝憐一旦失懽噱錢破囊慳買
酒市脾臆弦以朱絲徽琴聲酒間作哀怨不具陳大概
寫離索人生衣食艱譬若忍飢鵲蒼涼烟水鍾隻影赴

寥廓稻梁謀未安三匝渺難托高文不療貧肝膽日銷
鑠所以士不遇自昔感淹泊君行往江南觸境易驚噩
五六月之交大雨泄瀾割坤輿任簸掀金隄決圻堞渺
與洪湖通漸至沒城郭過船高樹顛千里少捍格大蛇
出噬人波面莽騰躍飢民相枕跽劣得供飽嚼荒城客
經過敲火用燔灼懸門上蒿萊那復辨鎖鑰遺黎餓不
死強以肉其弱弱肉漸不支白晝公肆掠入市闖無塵
焉得有金攫索米於縣官洵洵跳狙獍有威不得嚇有
法不可縛吾聞諸道路輿誦頗相若吁嗟河隄使先事
昧方略岐途爭決排故道失疏鑿初狃一夫見竟鑄六

州錯子乘撥頭船三板頗寬綽周視兩厓間何路覓橫
徇家鄉望非遠不得躡芒屨我懷漆室憂內熱甚燒焯
坐歎人謀疎匪伊天肆虐今年歉西成倏忽轉歲籥流
亡未收集焉望理錢罇倉儲旣難憑轉漕不可度窮邊
兵食艱枝官俸錢薄家國木一揆忍視燕巢幕恩膏不
患屯天施恐難博傳語守土吏孔亟卹民瘼

喜查解元

爲仁

汪上舍

沆

自津門至次符戶部

會

韻兼懷陸生

宗蔡

牛鐸猶能中古音解鞍先喜得同岑不愁酒過狂難制
驚見詩才老更深燭影簫聲迴昨夢江風海雨溢靈襟

道古堂詩集卷十

翰苑集

十一

陸郎一去斑駘隔小雪誰來慰苦吟

明日查解元攜令嗣

善長

見過復集書堂分賦

瑟瑟華堂夜向深昨宵歡會又成今九枝網鑠鐙搖幌
一色荒寒月罩林竹篠劇憐賒痛飲桐花驚見唱清音
老顛剩有吳通守

廷華

失喜翻令酒滌襟

十月二十五日武殿試臚傳門下士賈生

廷詔

白

生鍾驥皆

賜一甲及第賦此志喜

彩仗晴烘雪色明班行親聽句傳聲鸞弧已博

天顏喜擢甲能來

御道行共說章溝添宿衛益欣吾道得干城平生自詫
詩壇將對此惟應號老兵

周天度雪中見過

臥聞埽地聲深巷斷行轍孤吟斂羣喧初見十月雪荒
荒雲頽檐習習風攪穴冬心絕征營枯坐便養拙破徑
雙屐來失喜覲賢哲情閒如不閒萬有同一潔
戴周二君復過用孟襄陽姚開府山池韻
野客耽幽興凌風上曲臺雪天長自曉竹戶不曾開遠
意將雲度寒聲續雁來蕭閒同向夕促坐試清才

紅泉館對雪用東坡聚星堂禁體韻

道古堂詩集卷十

翰苑集

十一

林坳颯沓飛乾葉堦畔霏霏漸鋪雪更長欹枕疑有無
曉起開門叫奇絕霜棱瘦壓幾分高竹外時聞數枝折
灑空劇喜潔可親徹夜應知光不滅布地仍猜海水熬
著壁還疑電火掣平凝直欲變崖谷乍點偏能滲衣纈
頻來竹屋結空響忽向松科墮寒屑褰裳不讓孤鶴蹇
決背俄看一鳥瞥寒廳寫句較雪清妙境時時借詩說
排籤十指呵更僵曳袖行吟如裹鐵

明日金編修

文淳

見過再次前韻

上天漠漠沉雲葉釀作連朝風外雪九衢合沓駝不鳴
千里寒空雁都絕霜條密密花鬚攢冰柱丁丁釵股折

搜求黃竹恣彈壓吹攪青鐙半明滅梳翎似有白鶴翔
掉尾遙知玉鯨掣特開奇景盪心胸劣得虛窗飽眼纈
已欣羣穢宵包荒略著纖塵轉不屑金門詞客頭銜清
瘦馬凌兢到門警紛綸清豔吐牙慧邀我題詩戒勦說
三錢買得蚶蛤毫琢句公然能截鐵

十五日復雪再過紅泉館呈董浦先生

錢唐 金文淳 質甫

漫空歷亂如飛葉宿雪未消今又雪十里五里行人
稀千山萬山飛鳥絕先生招我飲羊羔滑澁斜街屐
齒折三分著樹眼乍明一尺平階路幾滅垂頭瘦竹

道古堂詩集卷一

翰苑集

七

何其茶壓帽枯枝不堪掣手僵呵凍墮十指肌粟生
稜透重禰晚來風急更蕭蕭夜半分題何屑屑隔窗
漸逼鐙燄小靜數更籌惟一瞥王謝清談君最優歐
蘇逸事吾能說此時不醉醉無詩何異六州成鑄鐵
次田少宰懋歲寒懷友圖韻

采菑行當就爾居轉因隔別重鄉閭抒情清禁烏啼曉
感舊空山木落餘士禮讀終盈涕淚衛詩刪後剩踟躕
陘山西上無窮險莫怪鴻來少報書

長至日看象聯句用昌黎陸渾山火韻

緹室葭動夜氣渾

山陰王任
湖可久

大祀遠溯萬物源

錢唐吳
廷華中

林間闖跌蕩雲脚吞錢唐戴廷華蓋羽璫金根軒世園

丘燄燄初柴燔焜赤金訾黃蹀躞彌臯原錢唐陳兆五

象脛蹙陵厚坤仁和金屹然嶽立絕鄂垠錢唐金文樞

光星朗句陳垣錢唐周天珠纓寶絡排黃門陽湖蔣和

文扇十色輝朝暎武進陳蠻奴下上捷騰猿武進劉星

詭體皴駁蹲疥鼃仁和翟澗行大步舒翔鷗仁和翟廷

天衢緩駕靜不奔漢陽張氣壓百獸形模尊任湖吉雲

跌坐卑鹿園廷華金瓶鬼背萬寶繁廷禧萬目環注萬

口喧世駿山移次第儷篋填焜招搖連蜷旂旗旛兆嵩

垂鼻宛宛竿揭禪姓陰虹怒決連尻臀文淳黃朱羃羅

輿轆轤天度飲飛夾馳分橐鞬和寧香陰砰隱來雲輻

滋豐隆駐節靈旂帑星煒射牛虔瘞無歸幡灑獨爾蠹

蠹猶陵屯廷法巨迹深隱龍負盆雲鑄形轡困儕犧罇

任湖駢闐肉陣高言廷華睢盱却走人海翻廷熺大

旨欲挽陽和反世駿頑皮矚動兩目暖焜五丁分行鞭

雲根兆嵩左右傲睨無龍孫姓千氣萬力集趾跟文淳

度支月廩咸 帝恩天度六牙珂雪墳厥元和寧峩峩腰脊愁攀援滋

南荒赤螳胡足論星煒闐然直入摩高閭灑積壤侈剝

撐塘痕廷法元尊般裔虔心魂雲靈寢震澹消煩寃任

湖帝釋調御威神存廷華 甘蔗都蔗供唯殮 廷禧 玉河

沒浪從妍婚世駿 萬里底貢傳滇昆焜 卸墀拜舞當關

蹲兆崙 莫教狂醉如崩騫姓 扇鏞石室勿復怨文淳 圖

南宵羨移海鯤天度 宸居崇衛依昆崙和寧 章溝巖署

番朝昏滋 燿火蘊燎蕭熇焚星燁 侍祠歲舉匪數煩灑

雄詞擬鑄宛鼎捫廷法

薰爐

爲慰輕寒宛轉攜修來長得近柔荑縈回翠被風前出
瑀刻金輪月樣齊芳韻尚能禁午夜熱腸也宵傍單棲
不知誰仿西京製空惹香籤弄筆題

道古堂詩集卷十

翰苑集

七

自題歲寒圖

屋角喧喧雪後風家山想像歲寒中春雷乍落癡兒手
只向人前嚇乃翁

宜興 吳 綬 泊邨

樛花臭味柏枝身合伴松心與竹筠勝客滿堂盡豪
傑未知同榻是何人

層冰積雪不能侵應有春雷起蟄音新竹上升松蓋
長直須長葆歲寒心

青浦 胡寶瑑 秦舒

可愛南枝愛北枝雪中圖寫但依稀松前竹外橫斜

好抵得西湖萬玉妃

檣柁溫磨春盎盎屠蘇酩酊歲堂堂不須蠟鳳看會

綽一點芳心卜夜光

雪中集紅泉館送汪沈之福州周天度之淮上聯

句

朔雪夜莽蒼封徑不可彗穿林見屐痕打門故驚睡世

噤痒到毛髮沾溼在帟帔穆穆如有思卒卒何所為陰

王任湖近別不知愁遠別心煩熾執袪黯無言錄別在

取醉錢唐命庖絮羞尊戒客後先至清歡期永夕雜

坐語無次錢唐度羅天度賡續八能士紛綸五經笥蘭蓀抱

道古堂詩集卷十 翰苑集

十

奇芬韋弦結幽贊山陰周大卓犖無近情俯仰多古意

百觚恣喧騰丈室轉清閤錢唐積素照虛襟紛麻雜

離思融情發丹府寒氣遠相避仁和翟難燭不嫌跋陳

簋豈求貳顛倒沒杯杓瑣碎乞鹽豉法補南烹洵

堪珍冬釀不難致方言著鄉情雅令徵僻事世談豪

餘可賈理妙近取譬歡悰浩無方潛懷耿靡暨任湖感

慨屢撫髀從容起攬轡萬里矜壯遊九有竚竝議大樞

棲峙笑雌伏摩霄學鷹鷲東南苦溼腐西北足塵膩賢

汗漫隨盧敖荒唐追赤驥颺輪駕三山暫出亦遊戲延

法薈淪鳳山茶鮮剝楓亭荔禽呼習侏儻詩藁續骺敝

流河魚昨大上哀鴻滿徐泗書生事刀筆袖手徒呀齮

天度不忝管樂才均負公輔器借箸無迂圖叩囊有餘

智灑大材用固難小車去何駛寧令寄當歸未許嘲遠

志大樞雲霞友誼高金石天情攀杜甫笑老狂魏徵殊

嫵媚任湖先路既有導前修渺能企致身期絜清舉足

懼顛躓世駿瓠落無所容萍跡偶相植柄鑿付方員牽

輓任軒輕賢旗亭柳尚髡驛路草未翠贈君與送君含

情兩不遂灑妍妍美風度翩翩盛書記迨迨歷國都累

累煩遞置廷法或登劉伶臺或莅無諸治低回國士里

縱覽海客肆世駿曉烟單舸輕春風片帆利河流盪日

道古堂詩集卷十 翰苑集

七

光灘響徹夜寐任湖遠移一枝巢願孤九州被高會續

郾城歸夢托湖寺沈古歡膠漆投雅操熊魚嗜良言互

丁寧隱抱各宣示天度身世寒號蟲歲月過隙駒昔爲

同隊鱗今作分飛翅賢勝事共牽拂幽興各遙寄羣居

淡已忘分手懔難寘灑詼調慰羈孤師友見風義驚心

津梁疲矯首河山異廷法雲物豁靈襟風禽入遠背但

令水土諳母使心力瘁任湖耻上韓愈書嬾挾禰衡刺

獨行畏友朋令德保終始沈晨雞豈長暗修軫會一試

合離境詎常出處事母亟天度江淮風不殊聞越俗還

懿莫悲行路難獨羨束裝易賢謀能蒐卒乘力可起彫

劫作奏固在工依人豈爲媿大樞入門羞擊裾前席每

倒屣文章信有神風節庶不墜瀨幕府急羽書河隄蒞

朝使翳唯慎固防要令息烽燧廷法古賢貴令名吾黨

重氣類念之增煩悃思子日慘頽世駿良工斂淬磨大

冶失鉗錘吾過謝不聞慨焉動深喟任湖翰林王國楨

流覽盡金鑽方將宏遠謨豈慮辱高位沆孝廉蘊壯猷

屢挫竟無恚畫理叶元賞文筆實清粹天度二妙聳天

骨鉅手壓聶屈思精發神勇才餒輒心悸大樞席帽仍

吾徒羔裘羨彼其追逐雲龍間跌宕優笑地賢蘊靈妙

結撰抒藻互餉饋硬語聲摩空歷歷皆可識瀨屹如高

道古堂詩集卷十 翰苑集

六

墉言銳如猛擊刺鏘如振韶鈞瓌如結珮璫廷法五都

璠璣陳五音宮徵備拳拳見意深刺刺恐辭費世駿冰

霜知爾歷風雨不予棄著論尚窮交讀易貞內比任湖

寒聲漸浙瀝夜色失幽邃放慵觸帷屏分光撒鐙幟大

樞飢烏窘踈踏黠鼠巧窺伺巡檐索枯梅開戶見僵榴

沈餘興何飛騫詞源劇澎濤聊以救飢虛邊復役文字

天度迴非從軍行亦異上灑吏且爲三年淹底用百憂

瀨萃臨發仍分岐所惜不連騎川涂多勝情去去勿怡

擬世駿

道古堂詩集卷十

男賓仁校字

道古堂詩集卷十一

仁和 杭世駿 大宗

歸耕集上

查通守 爲義 招集南園卽席呈在坐諸公

虛堂過雨樹搖風容得詩翁更醉翁狂罪矜全邀
聖主羈愁慰藉仗羣公十年薄宦頭顱改一夕清懽笑
語通節物不殊泉石勝鄉情却與在鄉同

越日再集南園餞別卽次前韻

劇知風漢未全風畱得餘生合喚翁拂衷此時成小別
題詩他日報諸公記曾桑下淹三宿自向屏閒寫一通

道古堂詩集卷十一 歸耕集

多謝日來頻置酒高情真與古人同

查 爲仁 招過楊柳青歸遊水西莊卽事

畫舸徵歌逐路新淥陰疑水雨疑塵雲帆不改家江景
邱壑真宜我輩人世味漸如詩境澹交情無假酒杯親
後期更指中庭樹莫爲攀條便愴神

南園錄別四首

宛平 查爲仁 心穀

十載聲華動要津藜光入夜坐生春致身直是忘新
進得罪終蒙宥小臣靜想紫苔林際步閒看青鬢鏡
中身平生不忍輕言別且盡深杯酒一巡

小集離堂戀夕暉幾番惆悵挽征衣絲牽碧浪萍難

合色帶寒芒星乍稀拂袖未容豪氣減分襟却恨至
交違南雲北樹迢迢隔目斷冥鴻千里飛

此去西湖賦卜居如屏青嶂繞精廬閒過籬落頻看
竹相對潺湲獨釣魚異冊燈前題海錄清觴花外奉
晴輿人生大好鄉園味話到林泉一起子

塵緣底事日相撓偷得餘閒足一生尙子襟懷將共
畢陶公衡宇擬同營青山莫漫牽離恨錦字猶堪慰
素情記取今宵攜手處一窗涼白月三更

送龔

之鉞

入福州幕并簡周侍郎

學健

龔生負奇氣耽僻愛溪行到枕有清響閉關無俗情綠
榕欺草色白鳥導灘程我識周開府知君不尙名

翟灝
招看芍藥

不晴不雨嫩涼烘插向花窠分外紅賺我頓教狂興發
對君那便酒杯空思攜歌管難禁艷欲捲簾櫳恐受風
直爲將離頻繾綣製名真想古人工

重過津門同人置酒水西莊餞別

良覲嗟匪易念此輒心警脩塗迫炎蒸有轡不得騁浮
川涉沽津一櫂溯魚埂親知童冠兼情話接俄頃落日
凌高臺畱客弄柔穎清風蕩奇懷逸興寄幽屏身非圓
波漚心逐去帆影相將到河康惜別屢迴頸吾生尙未

衰後約不待請

舟過淮陰程

茂

招同蕭湖月泛

蕭湖接淮流奔注凡幾派穿壕漫四野澹汗莽難界居
民規藪利蒲葦壓擔賣剡剡翠琰鋪獵獵風梢拜青烟
漲籬門瑤筍侵鶴砦灣環漁舍藏隔閤水勢殺樊然生
趣繁遂使波面隘秋至露漸零晚樹月初掛搖漾千銀
盤倒射不可喝龜魚甘伏嗜草木助光怪幽人例愛月
有興不肯敗招我秉燭遊嘯傲破天械吹笛驚山禽一
葦縱所屆圓靈倚高寒下視見纖芥全湖吞八九曾不
一葡蒂粟里賦寓形漆園重懸解吾生抱幽憂卽景易
感喟陰蟲午夜號忽凜太康戒蒹葭遞溯河水月並清
快相送歸柴荆照影瘦可畫幾時約重遊悽艷備詩話

喬孝廉

汲

明經億

上舍

元臣

招飲縱權園

到門便覺綠差差許借漁竿作釣師野水幾枝穿戶牖
高城百雉當藩籬松矜蒼鬣撐簷立柳曳涼蟬盡日嘶
好事猛思湯小宰雲裝月駕坐題詩

高懷誰似石林翁言事休官品地崇朝右丰裁吾未逮

詞科名次偶相同

康熙已未
林先生名在第五

一番握手茶瓜

外異代知心涕淚中遠送柴門還惜別識君愛客是門

風

新秋雨後馬員外

日瑄

招同武陵胡中丞

期恒

竟

陵唐吉士

建中

休寧程編脩

夢星

吳江王徵士

藻

歛方明經

士唐

錢塘陳處士

章

江都陸司馬

鍾輝

閔上舍

華

潼關張上舍

四科

小集南齋分用昌黎

秋懷詩十一首韻送余還山余得第四首韻

虛堂過新雨颯颯爽氣凌階卉有潤葉畫幰無秋蠅我
來破苔徑分免襪穢憎須臾風幔開斜日露半稜輕儵
避人影捷若初脫簪披襟相與閒微詠向可能

漢銅雁足鐙歌爲馬

日璐

賦槃下銘云竟寧元年
鑿爲內者造銅雁足

鐙重四觔十二兩護武喬夫霸楊廣漢主右丞賞
守令廉護工衣史不禁首山宮內者弟廿五受內

者

道古堂詩集卷十一

歸耕集

四

名山八所青嶸嶼五在中國蠻夷三首山銅出光蔚藍
太乙裴炭龍下探羸顛項蹶六合龕卯金裁宇崖谷鑿
倒茄狎獵夕景含竟寧親祠泰時南萬靈來會接珮簪
颯然風動聞鈔韶銅槃燄燄燭正燁青檀鬪髓蛙吐甜
千支紅匝影互參就中次第立可搯陽鳥斂翼意小慙
翹足企厲不得趨焚膏注腹性豈航護爲內者鈔手錯
兩不滿百力任擔鐫寫古篆如細蠶幸不蝸蝕飽蠹蟬
五十一字名號罩護工衣史官孰諳證漢禮器口閉蚶
籛父淹洽慮發醢藉此補史勝問邾至寶閱世方壽聃

朴古不厭貪夫貪馬兄易以金一甌三冬漁獵隨行菴
細麩蠟鳳照玉函土花青映栢子潭却與異士麀苦甘
漢家郊祀志婀娜風臺鬼道張怪談奉時獨有元皇堪
齋宮棧齮換夕嵐是鐙親迓玉輅驂勸君切莫供宴湛
議禮毋對匡貢慙

題畫

縣流直下二千仞青桐漠漠抱孤耿晴空涼蔭曦晷穿
二客忽來踏清影忘言相對捶玉琴山條水葉流清音
欲抽嵇賦寫淳悶此調本來無古今

宋宮秋望用錢曲江韻

道臺詩集卷十一

歸耕集

五

難向遺宮問舊章可經行處草荒荒寒潮不轉猶餘怒
小雨紛來爲洗妝鴉沒亂烟尋古洞僧縫壞衲出經場
世情只有斜陽在娛客時時上女牆

題包方伯

括

秋郊觀刈圖

儒生仕易農不讀汜勝書仁禮日鋤耨經訓爲菑畬釋
耒來田閒學稼固不如致身清明世返俗還唐虞功能
保黎庶抱術良非迂包公領大藩匡濟所夙儲勞農於
東作趨歛於冬初巍煌出條教力穡乃本圖餘糧棲畝
首甌窶恒滿車官中緩徵比窮閭絕追呼民食旣已足
民氣還自舒比方古諸侯省歛其職歟已飢念嘗廩先

憂志豈虛太平有景象繪圖聊自娛

湖上送張汝霖粵東補官

秋花驛路接空冥庾嶺岩巖舊所經江海分濤來鳥底
孔鸞送翠入窗櫺清辭刻意酬佳境故老歡顏迓福星
此日酒波畱客醉醉載將離色過寒汀

天龍寺看紅葉

清霜如畫師丹碧隨手發當其酣嬉時烘染不肯歇青
山如畫稿處處帶林樾過秋呈妙容借以補坳凸側聞
天龍寺屏幃最突兀千章楓變黃況有烏相密上人紛
來言未往興飛越泳川恣夷猶出郭喚輕篴路由僻巷

道古堂詩集卷十一 歸耕集

六

尋舟始石橋達詩流例稱翁各各挈吟筆舒襟曳寬衣
振策倚瘦韞貪翫丹崖奇不厭草徑滑施從稻陂行闖
入布金室逼冬愛疎林投老戀禪窟俯窺凝翠泉快試
小團月天風助高晴吹葉轉紅活意行路易岐眇望境
難悉近瞻拜郊臺遠睇錢氏碣攬古多滯淫金烏澹將
沒遵塗意未闌倚柂看山骨

哭金明府虞三首

想魂千里外懷舊廿年前密意吾能契高文爾自傳斤
存思郢匠絃絕失成連嗚咽西泠路吹簫葬此賢
京國一回見橫街接履綦酒杯餘故態懷袖出新詩才

大難酬志官清祇益悲
旅途愁浩蕩復魄有佳兒
徵士非無頌粗官不稱才
艱辛君自問懷抱幾時開
五管鐫奇句三湘動暮哀
玉棺真個下何淚寄泉臺

甲子書懷

衡門兩板短差肩喜值唐堯
甲子年傍郭漸忘山遠近
入春整共酒流連投閒轉愛
生涯拙開卷常誇樂事偏
雨便下帷晴出市頭銜新署
地行仙
蒹蒹梅梢凍未醒二分春在
謝家庭娛親計日營兼味
課子隨人占一經賦稿每依
藩溷改婦言試踞竈觚聽
近來苦被詩人識寫我癡頭
上畫屏

道古堂詩集卷十一 歸耕集

七

元亭劣可隱雙趺漢聖經神
任世呼悶卽捉棊招橘叟
癢思搔背倩麻姑春遊尙鼓
連朝興詩債先償隔歲逋
所學問渠何可信略知止足
稱潛夫
浣筆猶能頌太平更饒頑健
荷天生投鄰看竹頻驚座
借寺譚經偶出城好事傳來
疑失實新知過後恐忘名
祇慚飽食無他補長代三農
祝雨晴

次韻

仁和許大綸初觀

何必羞隨噲等肩逢塲遊戲
送韶年幽棲莫問窮兼
達舊侶猶欣斷復連官罷好
尋農圃樂春濃只愛水
雲偏玉皇香案君曾到謫向
人間作散仙

春夢纔成忽忽醒歸謀菽水供萱庭家如粟里門常
閉地接胥山屐屢經倒載每遭隣犬吠狂吟常駭市
兒聽雪泥鴻爪渾無迹好事何勞繪作屏

本原詩

閒階把卷簇雙趺話舊時時隔竹呼博局君應輸白
帝貫錢我愧聘黃姑有書且督兒曹讀覓句聊償筆
墨逋小築面城良不惡好將幽事課園夫

澹蕩襟期魄礪平依然視北一書生貪看山月頻欹
枕爲覓茶僧偶出城投刺每驚緣底事逢人生怕說
浮名祇園有約同攜被乞與殘春十日晴

送施念會之官餘姚

道古堂詩集卷十一 歸耕集

八

捧檄非爲喜名區得未聞俗從虞代化縣自漢年分吏
散便看竹庭空祇過雲隔江容問訊不必悵離羣
別酒不成醉分襟坐竹關一書徵士頌待訪秘圖山宦
業遲青瑣詩情對白鷗姚江衣帶水此意共迴環

春寒效吳體

重簾不卷山館西小晴天氣寒猶稽雲頭遲日初掛樹
草根積雪仍封泥魚鬪輕冰蟄難上雀啄凍花飛故低
窗鏗一穗有風颭吳姬擁被愁單棲

湖心亭同復園諸子作

虛廊面面俯空明恰好湖波貼岸平嵐翠到窗春社近

蘋香入座酒船行乍來
輒恐風牽去眇望渾疑畫染成
倚徧危闌攀盡柳何人能寫冶遊情

雨後雲居山房望湖上諸山

連山橫高城日夕雲所出萬物各潔齊
一雨積宏力曲嶺紫蚓盤林莽忽露日
振策挈素交縱目借禪窟修廊不居人
寫望適其職鏡湖較昔清香堦尙今屹
天光蘊遙青散作衆峯色意似借客看
蒼秀不肯匿耽賞情輒移翻怪曦暑疾
蔬香飶齋廚得句卽呈佛

復園紅板橋新成分賦

垂虹宛宛枕塘坳也有蒼疎雜樹交
行過忽看山影倒坐來雅稱釣絲拋
粘波小有閒鷗傍壓岸微愁野水滄

一段紅闌愛蕭瑟輕舟容易撼蘆梢

讓公招集南屏山房避暑分得尙字

我行不御風熱惱鮮所放開士有夙
招侵曉理孤榜重湖生層陰入望愜
元賞到寺松竹清一綠森萬狀山深
意彌寂候變境疑創山廚飭藥苗嵐
潤浹衣桁前身廬山僧淨住有微尙

同大恒讓山崧亭三上人過瓶花齋時漳蘭盛放
蕭齋吾臭味小草見貞萋已約高僧過兼邀放士題涼
陰抽夕箭芳意報中閨秋至愁銷歇彌堅礪谷棲

夏日過瑪瑙寺訪元僧芳洲所鑿後僕夫泉

幽尋瑪瑙坡拾級盡苔磴樹靜陰不移濃綠莽投贈山
僧此鑿泉殿角闢如徑淵然瀉泠泠寒響蒼微磬幽光
上佛燈清氣襲塵甑荒廚雜松花瘦勺試葦緝錫名後
僕夫迢遞踵前勝宋僧智圓曾于孤山鑿僕夫泉惜哉歲月湮圖志闕
未訂事往禪味畱圓甃尙可證今有井存扶闌窺乳泐古色
湛而瑩彈琴緬昔賢煎茗滌凡聽畱詩鎮山門汲古一
乘興

新秋雨中泛湖

秋氣蕭蕭欵竹扉秋涼習習透絺衣遙峯盡斂蒼波出
短櫂初來白雨飛清響最宜篷背聽小詩愛向酒邊揮
穿泥不畏芒鞋濕折得荷花滿把歸

送姚主事

立德

入都兼簡魏二舍人

允迪

張四員

外嗣衍

涼入秋帆健蕭閒愛此行一官仍舊學五字有長城別
緒縈衰柳生涯倚短檠紛吾年運往看爾擅時名
故識滿燕市魏張非世朋碁航蕭寺雨酒漬玉河冰舊
夢春明隔閒愁展歲增因君相寄訊不寫剡溪藤

萬松書院畱月掬湖兩臺落成用王荊公洊亭韻

雙臺峙烟際眇望何峇亭眾峯蘊靈氣次第來送青感

此舊觀復亮爲君子寧涼吹起林薄中有秋聲停重湖
盪杯影客散月在櫺緬懷此臺古徙倚延空冥

抱經亭坐雨

指點屏山宿雨含果然飛灑到花南釀將涼意延秋聽
琢取清聲助客談關句正思重篔席避風如坐小圓龕
殘荷喧起高蟬歎只有幽居此味諳

秋雨集桐乳齋同用乳字

重陰漠漠秋無主向晚蓑蓑吹作雨青桐有樹紛蔽檐
高格撐空孰敢侮倚巖僵立欲傲人對我臨風時一俯
高齋得雨兩幽絕大葉打窗恕莽鹵軸簾對景竹閣開

道學堂集卷十一

歸耕集

十一

句引吟朋走盜午或眠蹋壁或據梧或侈雕談捉枝舞
轟轟臥甕困酒龍袞袞拈椎來義虎擬將元化一鐫劖
詩腕雖孱力猶努我曹辨詩如辨秋秋聲無媚有清苦
卽如此雨三數點落在高梧韻尤古酒酣得句呈蓐收
雨師卷舌不敢吐悠然逸思積一腔散作秋痕滿天宇
坐中秋士半塾中物外飲徒仍接武假饒無雨不逢秋
也復蕭閒借詩補我思賞雨雨忽來我欲延秋秋不拒
天公有意縱逸民不盡風光任攜取試教舉示罷參僮
世間真有干男乳

南園池上作呈鄭侍讀

江

涼碧積一頃蒼然秋始中寫峯無正影漾竹有微風野
艇不著岸人家盡住東只些清意况常照抱經翁

咏月故事分得劉妃白玉笙

帝樂張璇闕仙姝侍碧城節逢秋夕迥坐近月華明縞
袂紛相向繁音莫漫呈長筵看喝盞絕世獨吹笙手與
玉同色人將鳳比聲翠寒堂外路娥影至今清

兩宿瓶花齋同吳城施安作

一霎高齋散酒兵獨畱二客有詩情酸風戰穴寒增色
莽雨跳階夜弄聲孤緒漸從雙鬢見百愁都向一鐙生
殘更杳杳清無寐只合添衣坐到明

道古堂詩集卷十一 歸耕集

七

持螯聯句

高秋萬寶登秔稻被原隰周京蕭條吹金風狼戾散玉

粒輸芒螬正肥截葦罅爭入金志章勢若招潮來元如

擁劒立施安雌雄辨尖團足跪攢戢香戴廷禧爬沙方

橫行郭索旋就執許大綸羣聲松濤喧怒沫竹雨濕鄭

谷筠市逢亥日饒卦取離象叶世駿解縛祗須臾受烹在

呼吸顧之琰丙黃侯可封臥甕客爰集金農畏柿盤戒

釘鳴薑廚待給丁敬登筵堆紅銅破殼揭圓笠吳城肌

分側理呈指染清氣襲陳兆崙流膏螭不如斫雪膾差

愜臍飽獨彭亨螯麤雙豈岌梁啓心八饌調鮮醯適口

佐米汁汪臺復園右挾虎斑翻左訝鸚嘴星齋雄啖恣攫

挈細剔勤掇拾拉雜外骨摧咀含內味滄友瞠目嗤

空匡夾舌詫攢斂竹田珍逾烹鼎五饒舍裂餅十月田

霧滃枯已遲湯燻悔奚及初觀如何橫海豪懼此漑金

泣穆門始知矜躁擾詎若永幽蟄卽事聊感傷當食莫

快悒筠谷揉菊腥膩蠲搓橙香霧裊葑林詞補樂府題

事隸秘書笈敦復橫琴想遺聲暮畫笑結習鵬亭拍浮

興已闌江湖思彌急世駿轉愁烟斷空預擬魚具葺敬

身作志美天隨吳淞理輕楫復園

金觀察志章許孝廉大綸同過丁處士龍泓山館

道古堂詩集卷十一 歸耕集

三

看菊不值却賦

逸興橫空未肯休竹林微詠共山劉來敲白板尋高士

欲把黃花弄素秋滿擬殷勤借賦祀豈知浩蕩失盟鷗

蕭蕭歸到城根坐乞與壺飧一獻酬

同人重過龍泓山館看菊

路轉城闌接板橋拍肩同過永今朝柴局有菊見高致

草徑到秋無俗條瘦影祇宜詩格寫孤懷不藉酒杯邀

山翁別有餐英法疎樹畱雲掛藥瓢

布袍行爲貴陽蔣封翁尚義作

貴陽先生貧非病大布爲衣見真性鉤邊縫取不麤疎

潤頷裁來獨端正，令聞廣譽能章身。不要文繡壓俗塵，
紉針補綴剛千衲。敝縵稱量過九斤，松毛喧處開三徑。
謾謾吹寒滿清聽，瘦韞寬鞋體最便。莊襟老帶行相稱，
南榮曝背虱初捫。却有吳蠶自在溫，攫臂定應招若士。
曳裾那肯向侯門，門前攏袖閒雙手。數徧銷寒圖九九，
愛日方尋輔體方。春風不進延年酒，純孝紛紛漬涕痕。
試持上服一招魂，從教丙舍緹巾襲。昭儉真堪長子孫，
鄭侍讀宅賦得早寒先到石屏風。

山骨蒼然巧琢稜，畫堂施放辟秋蠅。涼陰不散屏雙疊，
肅氣先侵石一層。俗僕倚來頭恐觸，姪娥扶著手愁冰。

道古堂詩集卷十一

歸耕集

古

溫家妙有生，祿句曉起揮毫怯。未能

飯楊太守百法禪房取徑後院攀磴而上望江上

諸峯

幽尋不離山，獨客每依寺。感此淒緊晨，風物轉清異。孤
樹一巷黃葉脫，不及葇枯齋。戀心朋招拂，取微醉逍遙。
叶飛迤淡漠，順人事清吟。豈求佳小陟，但破睡仄行。循
鳥迹攀蘿接猿臂，蒙戎歷荒畦。宛轉出初地，恒情慎筋
骸。歲晚無遠志，登望徒永懷。薄遊聊自恣，朔風念孤羈。
菜把詎難致，山靈肯相邀。旬浹當一至。

集瓶花齋同金

農丁敬方德發

寂寂空堂冷抱雲喜君勝集遣相聞梅邊削句宜清賞
閣外讎書正夕曛幽興恐隨年漸減春愁劣得酒平分
歸途只有城南好一舸能將四隱君

冬日遊寶奎寺

佛屋不受塵日營已清瘡矧此巷尾深屈曲樹影換草
磴依徑紆莓牆到山斷瘦面五六僧壞衲劣遮骭曬穀
防鳥蹂種菜挾泉灌導客遵危岡寶刻耀天半風雲佐
精靈雷電出宸翰嘉熙見滄字筆硬石不爛緬思捨宅
人華構架幽仄閱世嗟已遙名山猶壯觀來遊倚腰脚
登陟豈云憚精思發妙言事往迹可按悠悠百年心誰
復關理亂禪觀亦性餘境絕那忘翫山青無俗容江縮
露遙岸寒空入決皆望古一長嘆

同作

錢塘周京少穆

日落天宇靜冬初山氣肅木葉紛青黃簌簌幾修竹
入門陟崇岡萬類騁游目左開風帆移右送沙鳥宿
閩井浩烟海物產漲塵斛南來豐蟲魚北去冷沙漠
尙有摩崖書喬相舊韋曲捨宅絕衆緣猶存主和贖
蒼生殊可念世仇殆難復視茲一片石莽蒼暮烟矗
宋室已禾黍甲第亦轉燭行在歸荒塗樓臺此佛屋
時平歡會并相與招近局賦詩畱山門醉語不得續

雪後登金山作

疑有魚龍此嘯哀
江天快截一帆來
鼇擎地柱浮波立
鷓旋罡風到埕迴
殷閣鐘聲時却浪
橫空雪色獨登臺
坡仙一去塵緣隔
誰倚虛廊試妙才

張四科雪中招集讓園

紙窗漸增明清氣
時襲罽開門歛羣
聲境闢輒得訝荒
荒緣僧蹊冒雪到
精舍壓屋疑樹偃
撐籬喜竹亞萬有
不受塵積素孰所
化枯吟避迴風踟
縮在檐下沈思破
重冥靜想接遙夜
燎衣寒尚仍索酒
但行炙

試第二泉

道古堂詩集卷十一 歸耕集

十六

方池汨汨瀉寒泉
畱待詩人裹茗煎
攜屐不殊坊曲裏
披襟長在寺門前
難逢野衲鑽禪味
却與清宵破醉眠
翹首九龍山色好
竹鑪無恙畫神全

挽包方伯

卅年休問被巖廊
口繪民瘼近

御牀滄海幾人承
雅化大星一夕隕
寒芒新恩佇見酬
官下故老猶聞哭
路傍傳稿祇今畱
史館不愁丹筆少
輝光

送姚遠翻令米脂

名著翹材錄爲儒
乍釋巾非圖宰山
水差喜息風塵薄

俗艱施政寒邊晚得春紛吾懷古意從子訪周秦

顧行人

之珽

招集包家山看桃花分得微齋二韻

扶篙春水緩出郭野光微慧鳥銜花去晴烟繞樹飛竹
風喧野寺石斥罾生衣爲倚吾廬近行游未肯歸
山行不厭曲取道石橋西花好無荒徑晴多有斷溪入
林逢野衲問竹得幽栖覓句斜陽外懸厓獨自題

哭鄭侍讀二首

邱山迴首意何窮卅載交親涕淚中白拂重拈花雨散
黃壚一過酒盃空峒堯史筆畱殘藁鄭重經言付小同
獨有畫圖春尙在梅花寂歷倚寒風

道古堂詩集卷十一

歸耕集

七

里巷追隨又二年抱經特愛鄭公箋恒言儀禮非難讀
自信春秋必可傳遺命尙來求行狀小文長愧冠詩篇
平生知己衰遲盡況對銘旌哭大賢

益山

清齋有益山迴巧出洲鳥懸厓寄青松分澗潤朱草設
施類智者尺幅具畫藁泰岱峙東瀛二華插西顛胸中
五嶽奇登探苦不早竭來見一拳亦足恣幽討位置固
得宜爲爾轉憂燥出雲會有時倚天豈難到空懷蘊玉
姿局曲此中老

道古堂詩集卷十一

男賓仁校字

道古堂詩集卷十二

仁和 杭世駿 大宗

歸耕集

同人泛舟蕙江歷探西石大黃諸勝

諸山環縣門彌望青可數沿洄趁落潮清響出柔艣嵐
光動搖中倒影更妍媿曠觀怡客情攬勝始江滸言尋
招提遊瞻對梵夾古修廊不逢僧陰殿忽來雨藉茲滌
囂煩豈敢惜腰股攬身躋層巔縱目萬景聚荒塗浩茫
茫秀色連極浦振衣天風高長嘯動林莽

臯亭競渡

道古堂詩集卷十二

歸耕集

一

佳辰觀渡上塘河山色揉藍水熨羅風約畫簾吹暖氣
舟穿粉郭出清歌村橋照影吟身健晴日烘衣豔思多
只恐蒼茫動魚鑰醉邊欲借魯陽戈

十硯齋咏桐樹用東坡和子由園中草木韻

幽居愛依山美蔭不離目意行聯朋歡迢遞出深麓理
楫遵河梁款乃戛寒玉入門青桐高寫作一檐綠上枝
巢孤凰下以覆叢菊大葉時吟風客至奏清筑嗟爾凌
霄姿跼縮在巷曲

孤山尋竹閣舊址

一撫簷簷認典型閣荒猶得埽烟屏日當空處密無影

塵不到來惟有青陳迹漫勞秋士弔清聲畱得野夫聽
瀟瀟雨裊涼風動飛出林間幾點螢

范寬秋山行旅圖

蒼峯高不極亂插如著簪須臾陰厓闢青巖初出藍始
知夜雨大變換朝來嵐范寬爾何人泚筆秋意含山坳
洗頑雲幻出孤僧菴童僕旅卽次與馬真成三荒塗意
何之豈遂窮幽探茆屋壞橋側俯瞰千尺潭涼氣襲四
野厲揭何由堪

壽春菴尋許大綸不值

一雨數峯碧攜筇上藥坡野情便梵放微尚托巖阿古

道古堂詩集卷十二

歸耕集

一一

寺半修竹陰厓徧女蘿幽人不相待吾意肯蹉跎

集清勤堂金處士農以洞庭春茗餉客

木瓜樹大紛蔽階先生晏坐清影皆西風打窗送涼雨
秋士續續來高齋齋前石鼎平不頗童子開門敲石火
忘言相對捶玉琴落葉忽驚飛鳥墮拾尋篆字青蟲蝕
掃葉煎茶仍樹側定甕清泛乳泉香中有春初洞庭色

南屏釋篆玉讓山

深草已沒莓苔階蟲聲唧唧吟聲皆烟霞肺腑本常
淨清泉白石時爲齋秤量茗水無偏頗柏子香消灰
剩火沸湯恰當落葉初簌簌疑聞秋雨墮季疵經被

蝸涎蝕先生棄擲殘書側別有三昧問老謙一壺冰
雪浮春色

新秋南屏山房坐雨

已公茅屋愜幽期把玩秋光坐不移過雨始知泉脉大
得風頻詫樹聲奇香廚施客遲聞磬竹戶邀山短著籬
同有鬢絲禪榻意不妨吟到日趨時

采菱曲

風起晴湖不受塵白花青葉漲湖濔隔船親見摻摻手
菱角生憎慣刺人

湖波濼濼不通河櫂出瓜皮疾似梭忽露雪肌菱樣白
買菱人少看人多

道品臺詩集卷十二 歸耕集

三

南屏山觀米海嶽摩崖琴臺字

南山戀秋晴澗戶不容楸深靄積綠爲灌木日森葺傳
聞拜石米昔此闖巖壺揮毫榜琴臺深刻完不損我來
弄素雲散髮白鹿苑側行遵危岡取徑轉辭穩攬身松
毛顛頓足苦竹阪盤溪盪空嵌幽厂出凌狼屨躋折磴
高親見古崖蹇攫拏無俗姿兩宇破混沌力與天風摩
崛強不宥偃不知何年雨洗露益堅渾清音亮無傳古
意尚未遠硬搨將可施幽窮詎云晚摩抄到月生瘦策
自厓反

中秋前一日費員外我衡招同許孝廉丁處士集

慈恩僧房時恒公適至

秋陰不可狀萬物同一清編竹異俗徑翫月亦古情唐陳

陶翫月詩序翫月古也

各愛蟾窟朗夙戒須其盈我友疲津梁稅

駕王舍城藥樹帶左界忍草環前楹酌我復食我邀我
循廊行已公洒然至矯若仙鶴輕胸衣不右袒瘦筇時
孤撐澄心攬衆妙適意資閒評言念九州大一月分此
明坐待海潮落漸至冰輪生放纜穿石橋晃漾搖目睛
把袖招二客矯首香雲平

秋陰

道亨堂詩集卷十二 歸耕集

四

空塔漠漠靜塵埃邀勒曦光爲淥苔天幕數峯仍隔斷
雲橫一水不吹開遙疑閣外沈江黑涼恐宵中挾雨來
放眼欲窮千里望幾人同上最高臺

有王生者鬱孫楚之深情抱非熊之奇痛纏綿哀
涕遂嬰嗽疾既亟介子姻親乞一言以死輒以小
詩廣其意生得詩感泣叩頭越日卽殞噫亦異矣
服媚頻教入夢稠芳蘭宛宛兩叢抽自從浹夜驚颺惡
戍削秋衣爲阿侯

年來鉛水不曾乾始信驂騑展足難試向天衢一凝望
只應寫作畫圖看

巷入烏衣慘不春
篠驂久戾欲生塵
菴苑不是傷心草
賦到蘭成便愴神

碧海青天路渺茫
秋衾無夢九迴腸
如何重有金環探
一洗西風病骨涼

秋日集鳳鳴菴

精廬繚山根雜樹青
不斷微風透絺輕
初日出林緩閒閒
素侶皆戀此涼蔭
滿熏心借佛香礪齒
汨澄渾卽事唯永懷
率爾役青管石貌非
世嫌竹意同我嬾
不期釋褊心竟以霍
微瘡起行弄清陰
寫望入幽散

同作

梁啟心

道古堂詩集卷十二

歸耕集

五

餘暑不可噴
破曉還科頭
西風鳴兩槩
忽來城南陬
深林翳白日
古堞延高秋
一磴雲際盤
小憩禪房幽
交門修竹陰
循除清泉流
何許覓鳥可
不速逢應劉
茲遊本孤往
乃復盛朋儔
爲近子雲宅
謂董浦
奇字紛探搜
過此涼候佳
有約當易酬

夜集南漪小隱阻雨時張

燴

方修烏程志歸

瑟瑟秋宵一萃羣
斂將寒意屬鱸熏
簷端月側方離畢
檻外風多未散雲
志續弁陽成外史
酒傾若下證前聞
催歸街鼓統如動
屐齒終愁劃薜紋

晚秋遊蓮居報國兩招提

秋深澹疑夕幽興任所選野色迹鳥飛翠影逐人轉緣谿徑石橋散策入僧院出林清磬圓到水涼雲變洗鉢魚不驚坐樹葉屢顛不辭竹風吹時得花雨濺了知佛香清矧戀鄉土善視蔭惜遽歸境過意頻眷

翦橙

橙子趁秋熟色香殊自矜露英分快翦壘味配孤僧細數青連葉寒搓晚上鐙歸攜滿衫袖恐損翠眉棱

余與江敬齋太守

源

生同庚居同里同學相善同

遊于黌同舉于鄉逮余以狂言獲譴而敬齋亦以

伉直忤上官中以他事罷去今年十月敬齋五十

道古堂詩集卷十一

歸耕集

六

生辰里人釀酒湖樓各賦長句爲壽余其可無言

乎

相呼爾我各成翁默數行年丙子同雲路一生偕進退

雪泥幾載各西東故人比似青山好世道何如白髮公

怪我客年窮不死始知磨蝎是身宮

余文章行誼不如韓蘇身宮磨蝎則

同

煮雪

風颺茶烟細寒依佛火生幾人吟轉苦一雪晚逾清縛帚稀梅格添薪亮鶴情瓶笙信幽沸欹枕到初更

繡谷亭觀趙松雪維摩示疾像以東坡天柱寺楊

惠之塑維摩詩句爲韻得病字

我聞維摩詰善修菩薩行愍衆媿癡愛現疾深示微力
安四禪牀瘦骨抱幽篋飯從香國施花自天女逆觀其
所說經游戲略可證瑞像落劫外捏塑巧難更漚波無
垢人繪事妙佛性清疎謝客鬚戍削蕭統病形委神特
完雙瞳瑩秋鏡丈室寒雨飛想見小筆勁誰叅不二門
紛歟理談柄豈知大醫王獨得法眼淨譯經吾匪能讀
畫嗟易竟神遊菴羅園擁鼻發清咏

金農 自鹽官歸出酒招客適周京亦至坐呈溪父

先生

羈人方水宿嘉月不同看一昔攜琴至蕭齋生古寒苦
吟時曳袖幽寄或凭闌近局如周顛招來似不難

潤從山骨見石氣一時青落日銜高樹寬衣集古廳遠
歸情話絮晚食酒肴馨國老扶筇出尊前見典型

十二月十六日集清勤堂咏洋玻璃鐙

癡雲峩峩凍初醒斫桂蠶枝淬銅鏡老蛻吐脂恐闕明
細鏟層冰不孤映罽袍小立雲母屏金牀騎象遨帝青
似憐瑤席闕清豔借汝光景輝寒廳銅烏不動夜如水
得替明珠懸帳底諦看粉本如畫空巧匠誰徵海東史

湖上雨過送施明府之青溪

東風欲散敝裘溫吹我梅邊展屐痕雙槩羨看仙吏去
一尊喜並故人言山屏過雨開詩境湖水通波接縣門
到日龜亭春正好板輿扶處卽花村

花朝風雨集河干草堂

又牽小艇過橋東惻惻輕寒寂莫中一水蹙瀾宜著雨
數花含凍尚禁風探春生計憐今別賭酒情懷較昔雄
不以草堂供燕笑敝裘何處賦蒙戎

題許上舍

承祖

雪莊漁唱三絕句

弄水攀枝意欲仙風光只愛一湖烟樵青撐出瓜皮艇
網得銀刀不賣錢

道古堂詩集卷十二

歸耕集

八

萬株宮柳接長堤溼翠漫天路欲迷青箬綠蓑春雨細
唱歌人在段橋西

挽鹿來棲水際村青山窺鏡月當門簪花借得諸兄硯
小築宜添寫韻軒

穀雨日瓶花齋送張侍御

涓

陳檢討

北崙

還

朝

文章敢信光詞苑封事何能補

聖朝顧我自傷鵬翮短送君翻惜馬蹄遙離愁要借殘
春餞詩壘還憑濁酒澆吾道自來推直筆每從閒處想
風標

閏三月三日修禊事于湖上效蘭亭體賦四言五

言

復此元巳言循樂郊醴齊載泛旅陳蘭肴林影欲合鳥
音時交俯仰陶化麗澤玩爻

靈雨被令辰卽景良儔洽庭墀有餘春野色接衣恰雲
疎峯色明林稠澗影狹抗希舞雩遊得性魚鳥狎

送孫林之瑞州兼訊其舅沈太守

瀾

摩圍句法劇生拗只有師川酷似之君到西江續詩派
苦心不遣四洪知

苦憶東陽姓沈人脩門判袂四經春恒饑念我才應減
煩說新詩更入神

道古堂詩集卷十二

歸耕集

九

四月十四日集瓶花齋送舒明府還桐溪

暫寬趨謁當還鄉路指桐溪水驛長密樹童童迎偃蓋
雙隄宛宛翼歸航官多善政詩篇美邑有流風草木香
回首六街徵舊事因君忽發酒邊狂

西湖競渡四首

凌波池上餞金船一路蘋香撲綺筵惱殺珠簾太無賴
不遮風日只遮仙

傚傚弱柳拂宮牆借與遊人簇看場一色淥波如小海
赤龍銜尾戲中央

雙隄隱隱閃雲旗破浪乘風倒好嬉組練三千爭擊水

習流軍本是吳兒

昆明曾策漢時勳誰爲樓船將一軍不見石鯨鱗甲動
老夫何語荅斜曛

詠竹夾膝

綃帳深更透華月百竅玲瓏認秋骨粉融青汗細含風
鬪得寒支沁肌髮簾紋不動銀蒜搖跂足欲學汀鷺翹
館娃一閉清夢隔似替橫陳學細腰玉肌戍削迴身窄
道是承恩竟當夕莫訝宵中冰體涼中有湘江一奩碧

詠江太守源齋前石泉

乳泓太古色湛然充前庭倒寫樹身溼冷逼石氣青朝

道中詩集卷十二 歸耕集

十

見池上魚夜見池中星秋雨洗巖壁鑄我仙篆銘

雪莊秋蕪小集時余病瘡初起

岑樓一角占湖西彌望三潭翠帶齊風起漫勞纖手摘
雨餘却喜滿筐攜追涼此味偏宜病入饌逢秋易著題
歸櫂唱歌疎柳晚爲君點破碧玻璃

同楊太守大勳金農丁敬兩處士楊秀才知遊映

壁喬松諸蘭若

端居屏俗營秋序足陶寫諸峯仍嗟我小雨已飄灑勝
情愛招要却值我行野消搖倚虛亭屈折戀桑下望望
計所投落落到蘭若入門樹蔽檐穿徑藤絡瓦壁荒蘚

來侵水縮光不瀉念此古佛尊樸遯類貧者蓋頭伏癯
禪僅博茅一把太息辭講堂縈迴叩幽舍滑澁躋厓隤
沾溼念衣袴歷嶮亮所忻窮探不愁寡平生香火緣寂
寞結秋社履迹始近遊尺晷暫偷假攜持二三子卽此
張風雅

送施安之歙州

蕭蕭竹響亂溪樓似爲騷人悵遠遊輕葉獨穿孤塔影
大江清寫數峯秋雁聲南下兼殘雨嶺勢東迴抱歙州
有爾驚才傳絕唱听然一笑豁離憂

十月菊

道古堂詩集卷十二

歸耕集

七

十月見寒菊悠然並螿棲已知霜信晚恐被月華迷蝶
抱不黏粉鳥來時啄泥瘦香吹一醒最好夕陽西

陸騰 招集南屏山房看紅葉

今年十月暖逾常遠到山樓始見霜小筆更添千嶂秀
西風忽換半林黃頻將豔思偷春氣欲與秋容鬪夕陽
歸櫂輕舟試凝望一株猶足盪湖光

同作

會稽 魯曾煜 啟人

滿眼丹楓泥煞人頻來我作此山鄰誰云樂事年年
減愛此秋光樹樹新峯外夕陽添遠照塔尖霜氣落
經句憑他殘葉蕭蕭下樓上衰顏中酒頻

舒明府自當湖來同集南香草堂

清話長移晷微吟可散愁仙郎初放假湖上有扁舟濁
酒先拚醉寒花不離秋西園容秉燭底用憶應劉

寒閨用唐女冠魚元機和光威哀聯句韻

風蹙輕淩鎖鏡潭銷寒圖上恰三三穿窗素霧侵鳴瑟
唾袖薦花澀舞衫望去玉釵蟲始顫飄來綬帶鳥曾銜
中爻乍喜占歸妹小字偏宜喚要男倚竹題詩抒別恨
微蘭說夢露微慚嬌姿簾下清欺雪軟語鐙前絮似喃
炙手細雕青鴝炭通頭斜插碧犀簪冬心寥寂長時抱
芳韻氤氳竟體含謝傅門庭堪自負党家風味略能諳

道古堂詩集卷十二

歸耕集

七

呵書薤葉廻環讀學繡蓮花半滿參試畫曲眉分淺黛
欲觀齟齬贈餘甘弓彎曉印霜苔滑行拂梅花落磻南

出東新關至臯亭探梅

首塗發河澣言訪梅花叢是時暄寒并約略花正中夕
陰生衆壑岑嵐浮輕篷牽挽水偏澀演漾勢漸東數樹
出竹岸醜醜因微風坐待皎月上未信谿路窮夜色斂
晴萼一洗春烟空

晚由金家堰步至崇先寺

村近人語喧到岸榜聲緩巖扉入倒景自笑目力短不
疑花光明反訝白雲滿散策步石梁迥遲意非嬾一亭

界溪流浮瓣去未遠望中初地幽不厭竹門款山廚起
晚烟瀟水挈石盃

宿臯亭山下田家

嚮晦辭香寮道半逢田父相邀共至家草率出濁醅此
鄉安耕漁風氣近太古茆舍八九間屋角梅盡吐谿泉
灑灑鳴支枕清可數

遊中塔院遂歷上塔院

一峯欲東往一峯仍西廻嗟峩衆峯斂讓出萬鹿胎丹
梯近可接夤緣登香臺馴犬時一吠棲鴿俄相猜仰瞻
上方靜隱鐘魚催續篋滴幽響小雨如飛埃松風導
我前歷歷畫軸開萬象鬱清氣決露無凡材妙香接諸
天造語誰能該

桐塢

詰屈微徑穿漸出松頂上肩摩雪紛敷攀嗅不待仰桐
塢介山趾疏鑿成沃壤僧祇望衡居精舍意相仿蕝花
安四禪時有白雲養竹露漬壞衣苔色上齋牘荒寒悵
鳥情疎豁謝俗獎矯首丹崖深荷鋤將獨往

月明菴

忍草被澄潭屈折繞香界脩脩苦竹叢隔水結幽砦苔
枝橫畫格歷數非一派朗照掣禪縛偃蹇破俗械幸少

翠羽啁且免紫蠹壞山僧修幾生不肖種花賣譚經上
層臺天半出梵唄

撒沙夫人廟

秀嶂倚天外縹緲春烟升幽徑窸窣入漸次拾級登循
碑感奇蹟肅拜瞻高層茂樹天影合畫壁嵐光蒸青虵
出煤帳仙鼠緣香鐙靈風颯然至中有神君憑奠坤配
地媪血戰師橋陵隱然捍大患祀典闕廢興嗤彼紛若
巫豈爲求福應

厲鶚丁敬顧之麟同過桃關看花

御風却立大江西指點林巒望眼迷自入春來山欲笑

道古堂詩集卷十二 歸耕集

十四

恰當花處鳥爭啼邱亭界道荒連寺野竹環村冷照溪
相挈城南好遊侶緩歸長到夕陽低

寄題新城噎泉爲同年高霽作

冷笑天工煞苦辛一泉亦復轉喉頻清光似我垂垂老
不見荒巖祝哽人

蒙茸弱草亂峯幽嗚咽縣厓滴未休只恐出山成濁水
到奔流處轉安流

題句曲孫秀才玉璘蟬鳴錄四首

孫郎湖海士豪氣未全除宅與仙廬近家從霸業餘山
樓曾有志城旦豈無書利器空懷抱侯門耻曳裾

生計丁年拙商歌慘不歡田園已蕪落骨月半凋殘獨
客依劉表蒼生擬謝安短衣衝朔雪海市幾回看
羣雅誰能揜風騷有主盟九秋橫逸氣五字畫長城著
論新懸市藏書久鑿楹自慚名品下不敢問鍾磬
臯廡何妨寄貧交誼夙敦白鷗同浩蕩彩筆看騰騫山
色青排闥潮聲夜到門滄江供一臥眼見寓公尊

送楊州守 大動之江南

十代興亡指顧中峭帆橫截大江東盡驅風雨歸吟筆
欲吸金焦入酒筒勝地君能獨懷古壯遊我恨不從公
輝輝滿月應相待照徹長干塔火紅

秋日采蓴湖上

侵曉招呼共采蓴只愁翠帶罾船屑鄉心不向春來發
始信張翰是解人

秋陰長罩段橋東影落三潭夕照中緩緩牽船過橋去
遠波如漾釣絲風

萬松嶺尋祖龍學介亭遺址不得

孤凰決起左翻傾奇石離立無嘉名涼風導我散輕策
萬樹欲寫秋來聲循岡側睇天宇濶東嶺半壁猶孤撐
介亭墜落近千載緬想賢守徒征營荒烟莽莽露朝泣
但恣穢草浴堤生陰厓無人驚鷓墮側岫有路飢樵行

平臯眼見沒斷礎石衙何處尋雕甍攬衣欲上愁窘步
西日倒射江光頰寒潮不來坡老死空巖延佇難爲情
同人集吳山爲展重陽之會

重陽已過又登臺徑草盤盤杖撥開竹色暗連嵐翠動
松風不帶雨聲來未妨作達頻呼酒卽使清吟也費才
尚有勝情消不得每逢仙院必徘徊

初冬集復園池上

葦間搖艇入一柳臥溪門葉墜侵山影霜清見釣痕鄰
居荒寺路隔岸野人言不是江關客誰能賦小園

道古堂詩集卷十三

仁和 杭世駿 大宗

寄巢集

梁翰林啓心 吳上舍城 載酒過寄巢卽席

野人無一事得酒又奚求
疎樹窗中見清泉鳥下流
笑談堪送日吟望一登樓
愛此柴荆外春深好放舟

梁啓心

醉地依山好吟鞋隔水通
鳥巢君似寄鴻爪我來空
載酒迎初雪開園鬪晚菘
未妨羣好事一笑歲匆匆

送全吉士祖望 赴葢山書院

道古堂詩集卷十三 寄巢集

一

葢山巖嶭講堂尊烏下秋濤
互吐吞化自甬句被於越
人從錢水上雲門揚雄作賦
多奇字劉向傳經有立言
人譜自來私淑久飢腸好爲
薦芳蓀

題女士趙昭 雙鉤水仙

寒山木落礪泉分小宛堂開
辟蠹芸畱得外家殘稿在一
叢寒碧寫湘君

同人集寄巢梅花下作

雪後寒威未肯降探梅有客
倒雞缸隔溪數朶臥臨水
映日一枝橫在窗頗遣異香
酬妙句欲將清景老家江
諸公且索巡檐笑莫待飛英
滿石缸

夜集張雲錦藝舫

繫纜東湖外幽尋小巷偏佳招仍舊雨情話入新年側
月窺清影歸禽下晚煙醉眠吾未肯一笑擘吟箋

雨泊臯亭

惻惻輕寒漸作陰楸頭初纜愛微吟東風畱客成小住
疎雨對觴如共斟隔浦網喧沈遠火過山林密叫飢禽
推篷不見明明月誰識清愁滿素襟

瓶花齋百八酒器歌

延陵世嬪詩壇將畱客高齋開宿釀紫藤飄墮畫檐深
捧出尊罍非一狀傾銀注玉恐破俗眼驚別具陶匏表

道古堂詩集卷十三 寄巢集

二

清尙秘羹一百八事何夥頤法式時呈折腰樣側聞司
彝朝踐用太尊犧象不飾太朴存有虞所尙絕苦窳祗
今聖跡畱河濱

明堂位泰有虞氏之尊也考工記有虞氏尙陶

考工陶旋不解

造飲器遂令梓人爵觚勺觶成專門後來埏埴各求勝

象董誇張哥弟競燒烟搏土徧方州近數饒磁遠汝定

我生不識閒盃錯摩挲百過增古情宣和王楚少繪象

紹興張掄缺考評彭窰質粗新定脆高麗大食郵致艱

塗程未若君家世寶一一鑒別精交光鬪采紛縱橫大

觀龍泉非異物劣猶俯視洪宣成諸公入手莫褻視以

人閱世年壽焉得如汝觥近郎與年方盛行惜哉但博

摹仿名吾寧，慙置羞取盈。瓶花齋清闕，亞蟬華嗟逐。銀
盃化手澤，猶存口澤兼。滿注黃流赴，清暇座中半。是紀
羣交感，舊思今意難。謝一杯一杯復，一杯細數應。盡百
八迴下，塔茗芳惜揮。手統如有鼓，街頭催。

桐鄉鳳鳴寺僧

行芳

俗姓魏氏，工詩爲署令所誣。

將致之死，舒明府行獄見其詩，愛之，立爲昭雪。遂
返初服，卽以舒爲名字，曰更生。賦感恩詩八章，清
麗可誦。今遊武林，明府贊之，徧遊諸公間，爲賦一
律贈之。

細檢方袍認涕痕，頓教解脫定驚魂。詩書不信儒冠誤，

道古堂詩集卷十三

寄巢集

三

鍛鍊方知獄吏尊，二業已叅無盡藏。瓣香聊紀再生恩，
禪林他日搜宏秀，尙有逃虛數卷存。

送舒明府

瞻

母喪歸里

客歲雙旌動之官，湖水清質船脩偉。餞臥病隔重城，短
鬢三秋改麻衣。一昔驚傷心因哭，母信爾不留行。
念我窮居日當君，獨往時牽帆遲暮。雨開卷寫哀詩，朋
好勤相問孤懷黯。自疑眼看春事盡，愁絕罷舍卮。

無米

本是行歌帶索人，一逢荒歲更增貧。聒檐竟類空倉雀，
仰澤翻爲涸轍鱗。楊惲報書傷語激，虞卿捐卽啓愁新。

禮經恐有無稽論飲水何由慰老親

結習誰教綺語耽果如纏縛繭中蠶撐腸有卷難拈賣
借箸無心恥立談避雨客過愁設饌牽衣兒嗔恐分甘
悠悠忽忽頻頻想也有奚康七不堪

次韻

新城高諱宗山

知是峯嶽歷落人食鮭更比庾郎貧不緣苦思腰偏
瘦却恨長飢腹有鱗座上一困誰念舊篇中八米自
生新憑君莫問江東價捧檄年來欲逮親

爨乏炊煙久自耽只愁僵臥侶眠蠶龜腸蟬腹無奇
術塵飯塗羹亦戲談那得胡奴常致餽幾時褐父解

道古堂詩集卷十三

寄巢集

四

分甘世情略比矛頭浙危語何嫌偏仲堪

用周進士宣武

來韻奉酬兼訊令弟分司

宣猷卽

題其集木集後

晞顏其殆庶苦卓力鑽仰嗟汝三代英謬謂一日長贈
言如清風端諷輒神往理真契道腴情至祛凡想緬懷
哦松廳公暇思撰杖歷時意彌敦境奪期屢爽陋室餘
妍思艱途託孤賞題彼在原鶴飛鳴時下上喆昆歎風
微迢遰蒼遺響

身世類桔槔有俯不無仰筮易得復爻剝極道漸長明
夷利艱貞履泰必大往卑居跛脚臥輒作天際想有兄

來連牀有子能奉杖雜花時飄英梅雨忽薦爽高陰發
天慳孤緒企誰賞超遙阻通津理榜思一上爲君撫清
絃竚待四山響

復園池上荷花

吹香掩冉入輕橈柳下清風艷思饒望去不知花有數
坐來惟覺暑全消唼波魚勝迷前浦曬翅鷗羣厲畫橋
翠蓋愛看擎萬柄晚涼添雨更飄蕭

題任太守

應烈

狎鷗圖

樵風溼外一春晴新製瓜皮兩槳輕絕似吳淞姜白石
踐他三十六鷗盟

道古堂詩集卷十三

寄巢集

五

閒身恰稱芰荷衣斜日收綸綬綬歸一片碧波鷗浴過
飛來只傍釣船飛

吳山酒樓題壁

長日試來同放眼危樓俯瞰一城環樹開霽色延幽鳥
簾捲江光出遠山把醅欲邀青竹蔭披襟仍抱白雲還
妍妍待浣冰壺筆細寫詩翁意思間

小雨初涼集飛鴻堂分韻

涼颺歛炎威小雨際清曉灌樹紛構慘陰厓漸深窈長
謠坐磐石載酒俯幽沼得朋易爲懽望歲轉心悄柴門
面西垞獨立數歸鳥

泛舟北郭

披襟漸喜近涼天
北郭清遊又一年
五里碧波堪入畫
幾家脩竹欲生煙
平橋落日喧溪鳥
野艇秋風接渚蓮
天與詩翁侑殘醉
酒盃移在釣牀前

七月七日集萬峯禪房

佳時恣幽討
初地多清風
已靡在原草
復響臨池桐
仄徑穿窈窕
漸出荒筠叢
初疑濕雲墮
豈識青靄蒙
雙峯矜脩眉
弄影清流中
疎磬落林杪
獨鳥吟秋空
幽篁亮難狀
閒靜將安終
迢迢睇河漢
念此歡言同

寄巢秋禊

道古堂詩集卷十三 寄巢集

六

良士有夙契
閒館入秋爽
高樹欹風檻
仄岫接雲幌
悠悠緬前脩
落落結遐想
拍檻招漚鳧
緣波弄菰蔣
酒如荷氣清
吟比蟬嘶響
乘化聊容與
冥心謝吾黨

周京

吾人展禊事
往歲曾一舉
春秋佳日多
典會良可數
況今際秋閏
忽復合尊俎
林塘接餘歡
觴咏散殘暑
小山媚繁卉
曲池灑新雨
濃陰涼蟬鳴
爽氣風蝶舞
相將臨清流
漫與酌桂醕
愛適禊堂幽
喜洽蓬池侶
塵襟爰滌除
煩憂不得語

錢塘丁健誠叔

恢台轉素節閒館鳴秋蟬露晞花房明日淡松陰穿
織鱗戲層波小蝶翻涼煙撫化眷物理矧茲中鳥聯
羽觴一以泛列坐屏管絃晚風扇蘋末散髮池上眠
長謠攄幽篋皎然塵襟湔

閏七夕湖上

水花待試風露香酒船夕泛銀塘長渚鷗背人過橋宿
滿湖雲影如波涼涼蟲飛唳銅荷淚一縷孤烟泊紅穗
山容不借月娥看畫屏依舊清無睡

晦日喜張

大受陳鴻寶

見過

涼入絳衣薄秋深閏又除蕭閒過二妙寂寞玩三餘斜
日同看竹虛堂罷讀書定知吟興劇不是慰離居

道古堂詩集卷十三

寄巢集

七

雨中湖上賦秋荷

橋外虛徐兩槳通跳珠擊出萬花中橫驅秋氣沈波黑
涼浸紅衣洗艷空山翠得雲生莫靄水香乘化入西風
蕭然便有江湖興篷底清吟在葦叢

湖上晚歸集南香草堂分韻

秋共水平分沿緣到日曛翠收千嶂色涼散一湖雲短
袂霑荷氣輕帆逐雁羣歸來有朋酒吟興尙紛紛

同作

施安

到處惜清景西風滿目前涼陰逐歸鳥暝色淨湖天

背郭秋難狀，廻舟興尙偏。
詩人草堂近，極望正炊烟。
九日遊報國院池上用林艾軒九日韻

老去清遊意未厭，短筇流憩力猶堪。
橋通楚徑尋僧問，鳥報新晴助客談。
人意蕭閒超境外，水波容與學湖南。
城隅不厭頻來往，畱取秋光約共探。

東郭訪秋卽用玉溪詩中語爲韻得霞字

貰酒出煙郭，沙河猶瀉花。
雁行天路濶，漁艇水程賒。
秀嶂生涼雨，高城隱暮霞。
稻塍欣有歲，閑憩野人家。

送周運判謫戍軍臺四首

短衣匹馬趁瓜期，此去防秋未道遲。
絕塞夢迴飛急雪，

道古堂詩集卷十三

寄巢集

八

穹廬春去失燕支，荷戈辛苦穿秦戍。
磨盾淋漓寫楚詞，親奉威稜行萬里。
空教天際想熊姿，

荷蘭山險接長城，列戍崢嶸火明曾。
見徙關稱右族，幾聞偵敵用書生。
射雕翻羨從軍樂，飲馬真成出塞行。
衰草茫茫連大磧，莫將笳拍寫邊聲。

孤臣莫便嘆投荒，弧矢由來志四方。
投筆尙慙書牘背，橫戈猶幸隸顏行。
鳴沙陷處聞駝圖，苦月高時少雁翔。

感念

聖恩長攬涕，要將長劍埽天狼。

雲旗獵獵閃回中，帕首居然揖總戎。
壘塊正須澆捫酒，

飛揚不礙挽長弓盛秋候障時燔燧午夜覘星喜畫銅
少爲

聖王紓北顧誰言橫草竟無功

蕓市

落落千家市舟移正夕曛晚菘隨岸遠交蔓過橋分得
歲魚鹽賤臨溪笑語聞炊烟覆茅屋只恐化爲雲

冬日葉物齋小集

發興題襟到水際釀雪年光半陰霽梅香破紙豈待烘
竹影侵階不容篲漱石能移讀畫情銜盃欲變談詩例
畱人凍雀踏枝窺約我他時杖屨曳

道古堂詩集卷十三

寄巢集

九

霍家橋道中

安穩籃輿上城東路易尋斷厓低樹亞荒徑伏流侵曙
色分茆屋寒煙散竹林南莊招隱處知是閉門深

冬夜宿南莊

澄江日落潮初生茅堂會宿夜氣清羣峯遠向天際沒
一鳥不來竹裏鳴江梅有意娛遠客幾朶疏花寫幽格
雲頑不放月娥窺特遣燒燈照瑤席席間難辨花微茫
紙屏影外橫枝長冰肌恐受一塵汚飛雨來灑風前香
香細風清吹不斷醉脫貂裘招酒伴巡檐嗅藥漫商量
邀勒冰霜與春換

焦山觀音巖晚望用宋人趙冰壺韻

山腰寂歷一菴存傳是坡仙跡未昏返照炯如畱客看
崩崖峭不受潮吞盤空鶻認斜行雁穿徑僧疑倒飲猿
坐久天風更飄忽欲同瘦策臥雲根

焦山看月

平生眼界超塵縛欲向江天寫寥廓纖阿期我招提遊
放出寒光踐宿約已驚晃朗辨諸峯漸喜蒼茫認煙郭
濕銀灑灑和江流異境搖溶兩難攫九霄澄彩助清悽
萬里分濤恣展拓須臾噫氣號陰壑棲鶻驚飛觸檐鐸
大聲忽起接潮頭猛力時來打山脚蘆人縮頸不敢窺
帆葉誰能更輕掠振衣起躡山徑高光動空林葉零落
悄然靜聽魚龍吟呼酒時同石闌酌

登雙峯閣

凌虛結遐覽一菴翠微間石磴穿鳥道瘦策同躋攀了
脩睂蜷遂見江南山喧濤鳥下過白雲牕中還清景
迫短晷後游恐緣慳霜鐘發深省鐫銘畱孱顏

同作

厲鶚

香閣如危巢細路盤折至頗覺筋力衰不辨舊題字
爐烟浮江光帆影移竹翠此間坐永日自爾絕人事
將爲禽尚游未免周何累歸歟復裴回短策耐寒吹

寒夜石壁菴聯句

為愛焦山好清冬況得朋馬曰瑄來因海月滿宿憶翠

微曾厲鶚樊榭梵室鄰峯勢經樓避石稜方士廉間攜塵外

拂吟借佛前燈馬曰瑄風勁飄金磬天高淡玉繩世駿

松濤時警鶴芋火漫隨僧陳章竹町梅氣贖芬馥江聲聽激

崩閔崑玉井靜參禪一味冷泥酒三升陸鍾輝夢擬靈祠乞

銘從古鼎徵樓錡于湘帶圍思楚玉繡像展吳綾寺有楊文

已為僧付質庫宋繡佛尚存嶼谷舊事添圖謀奇懷入寢興樊榭鼉更

蓮漏續龍藏竹錐膽西疇篆印銷婆律牀敷煖氍毹半

查空談對劉勰名理叩張憑世駿覆局棋收雹停毫視

道古堂詩集卷十三 寄巢集 十一

結冰竹町森森寒氣冽晶晶夜光澄玉井興劇渾無寐

神凄恐不勝南圻明朝放歸棹游思尚飛騰于湘

歸宿南莊二絕

江風一路洗車塵凍鳥窺枝解喚人同到竹籬呼月出

月輪新較寺門新

風鐙依舊颭迴廊竹外微微弄暗香我共梅花清不寐

冷吟閒嗅到昏黃

題趙彝齋畫蘭

空谷苔青秋巖雲霽故國王孫廣陳畱滯楚畹情遙湘

靈瑩翳言寫猗蘭宣毫當涕秀葉晨披幽馨遠曳林靜

無聲韻流空際畫譜遺民所南一例

寄懷鄂觀察

敏

兩年踪跡斷知聞頌酒判花祇自云孤月伴人棲野艇
飢鳥驅我走江濱晚來借寺題青竹興盡還山看白雲
橋李城邊成小泊溪風淒緊正思君

吳淞立春

小雪飛殘喜乍晴餘冬驚見異鄉更窺檐月好焚香待
颯燭風多被酒行歷尾漸看隨日換羈愁仍向隔年生
良宵幽夢何人共只有梅花分外清

題許

峻標

放犢圖

道石堂詩集卷十三

寄巢集

十一

巢父牽犢去不飲洗耳水華陽畫兩牛豈有可致理達
人從我好高致類如此山中草木無春秋白石鑿鑿清
泉流曉涼放去趁飛鳥斜日驅下隨歸舟有時桓伊三
弄笛吹出前溪片月白東村縱酒雜漁樵夜半跨歸聲
叱叱短衣甘作飯牛客莫問大臣在爾側

趙副憲

大鯨

招飲掬湖臺

乍回望眼入江天隔日招邀嶺路便二屨響停高閣外
衆峯青到講堂前花光得雨疑熏酒草氣乘風欲化煙
他日風流緬遺跡清吟誰繼兩華顛

北郭泛舟至臯亭時桃花方盛二首

出郭春陰滿虛徐度石橋好山如有待野鳥忽相招港
曲移舟慢花繁映水遙何人溪上住時弄賣錫簫
嫩莎青引桡遲日暖烘衣洗盞酬清艷開窗面翠微路
隨村漸轉花與燕同飛新歲嬉春徧懽悰似此稀

黃芍藥二首寄和江春

誰教沒骨寫靈根姹紫嫣紅豈足論佛借妙香開笑面
天畱正色餞春魂遊蜂採處尋難見蜜酒澆來漬有痕
華省祇今多好句翻階剛值月初昏

玉潤江郎彩筆舒眉間色映撫闌餘隔年種艷思殊質
計畝論花當野蔬畫倩黃筓仍不似歌翻金縷得相如
若教九錫標名品封詔何煩五色書

道古堂詩集卷十三 寄巢集

十三

筠廊道暑

鳥爲池光下人因竹色畱開軒初日迴布席好風周幽
澗疑過雨攢峯早借秋平生疎嬾意微咏託山劉

